

## 遇合部总论

### 易经

#### 乾九五文言

九五曰飞龙在天利见大人何谓也子曰同声相应同气相求水流湿火就燥云从龙风从虎圣人作而万物睹本乎天者亲上本乎地者亲下则各从其类也

### 本义

作犹起也睹释利见之意也物各从其类圣人

人类之首也故兴起于上则人皆见之

### 大全

#### 朱子曰

天下所患无君不患无臣有如是君必有如是臣虽使而今无少间也必有出来云从龙风从虎只怕不是真龙虎若是真龙虎必生风致云也

#### 睽九二

九二遇主于巷口咎象曰遇主于巷未失道也

### 程传

二以刚中之德居下上应六五之君道合则志

行成济睽之功矣而居睽离之时其交非固二当委曲求于相遇觐其得合也故曰遇主于巷必能合而后口咎巷者委曲之途也遇者会逢之谓也当委曲相求期于会遇与之合也

### 吕氏春秋

#### 遇合

凡遇合也时不合必待合而后行故比翼之鸟死乎木比目之鱼死乎海孔子周流海内再乾世主如齐至卫所见八十余君委质为弟子者三千人达徒七十人七十人者万乘之主得一人用可为师不为无人以此游仅至于鲁司寇此天子之所以时绝也诸侯之所以大乱也乱则愚者之多幸也幸则必不胜

其任矣任久不胜则幸反为祸其幸大者其祸亦大非祸独及己也故君子不处幸不为苟必审诸已然后任任然后动凡能听说者必达乎论议者也世主之能识论议者寡所遇恶得不苟凡能听音者必达于五声人之能知五声者寡所善恶得不苟客有以吹籟见越王者羽角宫征商不谬越王不善为野音而反善之说之道亦有如此者也人有为人妻者人告其父母曰嫁不必生也衣器之物可外藏之以备不生其父母以为然于是令其女常外藏姑妯知之曰为我妇而有外心不可畜因出之妇之父母以谓为己谋者以为忠终身善之亦不知所以然矣宗庙之灭天下之失亦由此矣故曰遇合也无常说适然也若人之于色也无知说美者而美者未必遇也故嫫母执乎黄帝黄帝曰属女德而弗忘与女正而弗衰虽恶奚伤若人之于滋味无不说甘脆而甘脆未必受也文王嗜菖蒲菹孔子闻而服之缩頰而食之三年然后胜之人有大臭者其亲戚兄弟妻妾知识无能与居者自苦而居海上海上人有说其臭者昼夜随之而弗能去说亦有若此者陈有恶人焉曰敦洽雠糜雄颡广颜色如浹赭垂眼临鼻长肘而齧陈侯见而甚说之外使治其国内使制其身楚合诸侯陈侯病不能往使敦洽雠糜往谢焉楚王怪其名而先见之客有进状有恶其名言有恶状楚王怒合大夫而告之曰陈侯不知其不可使是不知也知而使之是侮也侮且不智不可不攻也兴师伐陈三月然后丧恶足以骇人言足以丧国而友之足于陈侯而无上也至于亡而友不衰夫不宜遇而遇者则必废宜遇而不遇者此国之所以乱世之所以衰也天下之民其苦愁劳务从此生凡举人之本太上以志其次以事其次以功三者弗能国必死亡群孽大至身必死殃年得至七十九十犹尚幸贤圣之后反而孽民是以贼其身岂能独哉

说苑

善说篇

陈子说梁王梁王说而疑之曰子何为去陈侯之国而教小国之孤于此乎陈子曰夫善亦有道而遇亦有时昔傅说衣褐带口而筑于柶傅之城武丁夕梦旦得之时王也宁戚饭牛康衢击车辐而歌顾见桓公得之时霸也百里奚自卖五羊之皮为秦人虜穆公得之时强也论若三子之行未得为孔子骏徒也今孔子经营天下南有陈蔡之厄而北乾景公三坐而五立未尝离也孔子之时不行而景公之时怠也以孔子之圣不能以时行说之怠亦独能如之何乎韩诗外传

### 遇合惟时

孔子困于陈蔡之间即三经之席七日不食藜羹不糝弟子有饥色读书习礼乐不休子路进曰为善者天报之以福为不善者天报之以贼今夫子积德累仁为善久矣意者当遣行乎奚居之隐也孔子曰由来汝小人也未讲于论也居吾语汝子以知者为无罪乎则王子比乾何为刳心而死子以义者为听乎则伍子胥何为抉目而悬吴东门子以廉者为用乎则伯夷叔齐何为饿于首阳之山子以忠者为用乎则鲍叔何为而不用叶公子高终身不仕鲍焦抱木而泣之推登山而燔故君子博学深谋不遇时者众矣岂独丘哉贤不肖者材也遇不遇者时也今无有时贤安所用哉故虞舜耕于历山之阳立为天子其遇尧也傅说负土而版筑以为大夫其遇武丁也伊尹故有莘氏僮也负鼎操俎调五味而立为相其遇汤也吕望行年五十卖食棘津年七十屠于朝歌九十乃为天子师则遇文王也管夷吾束縛自檻车以为仲父则遇齐桓公也百里奚自卖五羊之皮为秦伯牧牛举为大夫则遇秦缪公也虞丘于天下以为令尹让于孙叔敖则遇楚庄王也伍子胥前功多后戮死非知有盛衰也前遇阖闾后遇夫差也夫骥罢盐车此非无形容也莫知之也使骥不得伯乐安得千里之足造父亦无千里之手矣夫兰生于茂林之中深山之间人莫见之故不芬夫学者非为通也

为穷而不忧困而志不衰先知祸福之始而心无惑焉故圣人隐居深念独闻独见夫舜亦贤圣矣南面而治天下惟其遇尧也使舜居桀纣之世能自免于刑戮之中则为善矣亦何位之有桀杀关龙逢纣杀王子比干当此之时岂关龙逢无知而王子比干不慧乎哉此皆不遇时也故君子务学修身端行而须其时者也子无惑焉诗曰鹤鸣于九皋声闻于天论衡

### 逢遇篇

操行有常贤仕宦无常遇贤不贤才也遇不遇时也才高行洁不可保以必尊贵能薄操浊不可保以必卑贱或高才洁行不遇退在下流薄能浊操遇在众上世各自有以取士士亦各自得以进进在遇退在不遇处尊居显未必贤遇也位卑在下未必愚不遇也故遇或抱洿行尊于桀之朝不遇或持洁节卑于尧之廷所以遇不遇非一也或时贤而辅恶或以大才从于小才或俱大才道有清浊或无道德而以技合或无技能而以色幸伍员帛喜

宜读作

伯嚭字

俱事夫差

帛喜尊重伍员诛死此异操而同主也或操同而主异亦有遇不遇伊尹箕子是也伊尹箕子才俱也伊尹为相箕子为奴伊尹遇成汤箕子遇商纣也夫以贤事贤君君欲为治臣以贤才辅之趋舍偶合其遇固宜以贤事恶君君不欲为治臣以忠行佐之操志乖忤不遇固宜或以贤圣之臣遭欲为治之君而终有不遇孔子孟轲是也孔子绝粮陈蔡孟轲困于齐梁非时君主不用善也才下知浅不能用大才也夫能御骥馱者必王良也能臣禹稷陶者必尧舜也御百里之手而以调千里之足必有摧衡折轭之患有接具臣之才而以御大臣之知必有闭心塞意之变故至言弃捐圣贤距逆非憎圣贤不甘至言也圣贤务高至言难行也夫以大才乾小才小才不能受

不遇固宜以大才之臣遇大才之主乃有遇不遇虞舜许由太公伯夷是也虞舜许由俱圣人也并生唐世俱面于尧虞舜绍帝统许由入山林太公伯夷俱贤也并出周国皆见武王太公受封伯夷饿死夫贤圣道同志合趋齐虞舜太公行耦许由伯夷操违者生非其世出非其时也道虽同同中有异志虽合合中有离何则道有精粗志有清浊也许由皇者之辅也生于帝者之时伯夷帝者之佐也出于王者之世并由道德俱发仁义主行道德不清不留主为仁义不高不止此其所以不遇也尧混舜浊武王诛残太公讨暴同浊皆粗举措钧齐此其所以为遇者也故舜王天下□陶佐政北人无择深隐不见禹王天下伯益辅治伯成子高委位而耕非□陶才愈无择伯益能出子高也然而□陶伯益进用无择子高退隐进用行耦退隐操违也退隐势异身虽屈不愿进人主不须其言废之意亦不恨是两不相慕也商鞅三说秦孝公前二说不听后一说用者前二帝王之论后一霸者之议也夫持帝王之论说霸者之主虽精见拒更调霸说虽粗见受何则精遇孝公所不得粗遇孝公所欲行也故说者不在善在所说者善之才不待贤在所事者贤之马圉之说无方而野人说之子贡之说有义野人不听吹籟工为善声因越王不喜更为野声越王大说故为善于不欲得善之主虽善不见爱为不善于欲得不善之主虽不善不见憎此以曲伎合合则遇不合则不遇或无伎妄以奸巧合上志亦有以遇者窃簪之臣鸡鸣之客是窃簪之臣亲于子反鸡鸣之客幸于孟尝子反好偷臣孟尝爱伪客也以有补于人君人君赖之其遇固宜或无补益为上所好籍孺邓通是也籍孺幸于孝惠邓通爱于孝文无细简之才微薄之能偶以形佳骨媚皮媚色□夫好容人所好也其遇固宜或以丑面恶色□媚于上媼母无盐是也媼母进于黄帝无盐纳于齐王故贤不肖可豫知遇难先图何则人主好恶无常人臣所进无豫偶合为是适可为上进者未必贤

退者未必愚合幸得进不幸失之世俗之议曰贤人可遇不遇亦自其咎也生不希世准主观鉴治内调能定说审词际会能进有补贍主何不遇之有今则不然作无益之能纳无补之说以夏进炉以冬奏扇为所不欲得之事献所不欲闻之语其不遇祸幸矣何福佑之有乎进能有益纳说有补人之所知也或以不补而得佑或以有益而获罪且夏时炉以炙湿冬时扇以翼火世所希主不可准也说可转能不可易也世主好文己为文则遇主好武己则不遇主好辩有口则遇主不好辩己则不遇文主不好武武主不好文辩主不好行行主不好辩文与言尚可暴习行与能不可卒成学不宿习无以明名名不素着无以遇主仓猝之业须臾之名日力不足不预闻何以准主而纳其说进身而托其能哉昔周人有仕数不遇年老白首泣涕于涂者人或问之何为泣乎对曰吾仕数不遇自伤年老失时是以泣也人曰仕奈何不一遇也对曰吾年少之时学为文文德成就始欲仕宦人君好用老用老主亡后主又用武吾更为武武节始就武主又亡少主始立好用少年吾年又老是以未尝一遇仕宦有时不可求也夫希世准主尚不可为况节高志妙不为利动性定质成不为主顾者乎且夫遇也能不预设说不宿具邂逅逢喜遭触上意故谓之遇如准推主调说以取尊贵是名为揣不名曰遇春种谷生秋刈谷收求物得物作事事成不名为遇不求自至不作自成是名为遇犹拾遗于涂摈弃于野若天授地生鬼助神辅禽息之精阴庆鲍叔之魂默举若是者乃遇耳今俗人既不能定遇不遇之论又就遇而誉之因不遇而毁之是据见效案成事不能量操审才能也

### 累害篇

凡人仕宦有稽留不进行节有毁伤不全罪过有累积不除声名有暗昧不明才非下行非悖也又知非口策非昧也逢遭外祸累害之也非唯人行凡物皆然生动之类咸被累害累害自外不由其内夫不本

累害所从生起而徒归责于被累害者智不明暗塞于理者也物以春生人保之以秋成人必不能保之卒然牛马践根刀镰割茎生者不育至秋不成不成之类遇害不遂不得生也夫鼠涉饭中捐而不食捐饭之味与彼不污者钧以鼠为害弃而不御君子之累害与彼不育之物不御之饭同一实也俱由外来故为累害修身正行不能来福战栗戒慎不能避祸祸福之至幸不幸也故曰得非己力故谓之福来不由我故谓之祸不由我者谓之何由由乡里与朝廷也夫乡里有三累朝廷有三害累生于乡里害发于朝廷古今才洪行淑之人遇此多矣何谓三累三害凡人操行不能慎择友友同心恩笃异心疏薄疏薄怨恨毁伤其行一累也人才高下不能钧同同时并进高者得荣下者渐患毁伤其行二累也人之交游不能常欢欢则相亲忿则疏远疏远怨恨毁伤其行三累也位少人众仕者争进进者争位见将相毁增加傅致将昧不明然纳其言一害也将吏异好清浊殊操清吏增郁郁之白举涓涓之言浊吏怀恚恨徐求其过因纤微之谤被以罪罚二害也将或幸佐吏之身纳信其言佐吏非清节必拔人越次迁失其意毁之过度清正之仕抗行伸志遂为所憎毁伤于将三害也夫未进也身被三累已用也身蒙三害虽孔丘墨翟不能自免颜回曾参不能全身也动百行作万事嫉妒之人随而云起枳棘钩挂容体口蚤之党喙螫怀操岂徒六哉六者章章世曾不见夫不原士之操行有三累仕宦有三害身完全者谓之洁被毁谤者谓之辱官升进者谓之善位废退者谓之恶完全升进幸也而口之毁谤废退不遇也而訾之用心若此必为三累三害也论者既不知累害者行贤洁也以涂抔泥以黑点缁孰有知之清受尘白取垢青蝇所污常在练素处颠者危势丰者亏颓坠之类常在悬垂屈平洁白邑犬群吠吠所怪也非俊疑杰固庸能也伟士坐以俊杰之才

坐读

为生

招致群吠之声夫

如是岂宜更勉奴下循不肖哉不肖奴下非所勉也  
岂宜更偶俗全身以弭谤哉偶俗全身则乡原也乡  
原之人行全无阙非之无举刺之无刺也此又孔子  
之所罪孟轲之所愆也古贤美极无以卫身故循性  
行以俟累害者果贤洁之人也极累害之谤而贤洁  
之实见焉立贤洁之迹毁谤之尘安得不生弦者思  
折伯牙之指御者愿摧王良之手何则欲专良善之  
名恶彼之胜己也是故魏女色艳郑袖鼻之朝吴忠  
贞无忌逐之戚施弥妒蘧除多佞是故湿堂不洒尘  
卑屋不蔽风风冲之物不得育水湍之岸不得峭如  
是牖里陈蔡可得知而沉江蹈河也以轶才取容媚  
于俗求全功名于将不遭邓析之祸取子胥之诛幸  
矣孟贲之尸人不刃者气绝也死灰百斛人不沃者  
光灭也动身章智显光气于世奋志敖党立卓异于  
俗固常通人所谗嫉也以方心偶俗之累求益反损  
盖孔子所以忧心孟轲所以惆怅也德鸿者招谤为  
士者多口以休炽之声弥口舌之患求无危倾之害  
远矣臧仓之毁未尝绝也公伯寮之诉未尝灭也埴  
成丘山污为江河毫发之善小人不得有也以玷污  
言之清受尘而白取垢以毁谤言之贞良见妒高奇  
见噪以遇罪言之忠言招患高行招耻以不纯言之  
玉有瑕而珠有毁焦陈留君兄名称兖州行完迹洁  
无纤介之毁及其当为从事刺史焦康绌而不用夫  
未进也被三累已用也蒙三害虽孔丘墨翟不能自  
免颜回曾参不能全身也何则众好纯誉之人非真  
贤也公侯以下玉石杂糅贤士之行善恶相苞夫采  
玉者破石拔玉选士者弃恶取善夫如是累害之人  
负世以行指击之者从何往哉

抱朴子

任命

抱朴子曰余之友人 有居冷先生者恬愉静素形神  
相忘外不饰惊愚之容内不寄有为之心游精攻诰



乐以忘忧昼竞羲和之末景夕照望舒之余耀道靡远而不究言无微而不研然车迹不轳权右之国尺牒不经贵势之庭是以名不出蓬户身不离畎亩于是翼亮大夫候而难之曰余闻渊蟠起则元云赴道化沾则逸才奋故康衢有角歌之音鼎俎发凌风之迹沾之则收不赀之贾踊之则超在天之举辉逸景于旻谷播大明乎九垓勋荫当时声扬罔极故寻仞之涂甚近而弗往者虽追风之脚不能到也楹椳之下至卑而不动者虽鸿鹄之翅未之及也况乎寝足于大荒之表敛羽于幽梧之枝安得效迅以寻景振轻乎苍霄哉年期奄冉而不久托世飘迅而不再智者履霜则知坚冰之必至处始则悟生物之有终六龙促轨于大浑华颠倏忽而告暮古人所以映顺流而寄叹眇过隙而兴悲矣先生资命世之逸量舍英伟以邈俗锐翰汪濊以波涌六奇抑郁而渊□然不能凌扶摇以高竦扬清耀于九元器不陈于瑚簋之末体不免于负薪之劳犹奏和音于聳俗之地鬻章甫于被发之域徒忘寤于翰林锐意以穷神崇琬琰于怀抱之内吐琳琅于毛墨之端躬困屡空之俭神劳坚高之间譬若埋尺璧于重壤之下封文锦于沓匱之中终无交易之富孰赏堙翳之珍哉夫龙骥维縶无以别乎蹇驴赤刀韬锋则曷用异于铅刃鱣鲟不居牛迹大鹏不滞蒿林愿先生委龙蛇之穴升利见之涂释户庭之独洁览二鼠而远寤越穷谷以登高袭丹藻以改素竟惊□于清晨不盘旋以诣夜收名器于崇高飡钟鼎之庆祚柏成一介之夫采薇何足多慕乎居冷先生应曰盖闻灵机冥緬混芒眇昧祸福交错乎倚伏之间兴亡□绵乎盈虚之会迅逝者不能脱逐身之景乐成者不能免理致之败匠流末者未若挺冶元兆之中整已然者不逮原本乎元朴之外是以学尺蠖者甘屈保伸识通塞者不惨悦于否泰且夫洪陶范物大象流形躁静异尚翔沉舛情金宝其重羽矜其轻笃隘者执束于滓涅达妙者逍遥于元清潢沔纳行潦而潘噎渤澥吞百川而不

盈□□踊悦于泥泞赤螭凌厉乎高冥嚼香饵者快嗜欲而赴死味虚淡者含天和而趋生识机神者瞻无兆而弗惑暗休咎者触强弩而不惊各附攸好安肯改营吾闻五玉不能自剖于嵩岫螭蛇不能无雾而电征龙渊不能勿操而断犀兕景钟不能莫扣而扬洪声金芝须商风而激耀仓庚俟烟熅而修鸣骐驎不苟驰以赴险君子不诡遇以毁名运屯则沉沦于弗用时行则高乎天庭士以自衒为不高女以自媒为不贞何必委洗耳之峻标放负俎之千荣哉夫其穷也则有虞婆娑而陶钧尚父见逐于愚姬范生来辱于溺箕弘式匿奇于耕牧及其达也则淮阴投竿而称孤文种解屣而紆青傅说释筑而论道管子脱桎为上卿盖君子藏器以有待也□德以有为也非其时不见也非其君不事也穷达任所值出处无所系其静也则为逸民之宗其动也则为元凯之表或运思于立言或铭勋乎国器殊涂同归其致一焉士能为可贵之行而不能使俗必贵之也能为可用之才而不能使世必用之也被褐茹草垂纶置兔则心欢意得如将终身服冕乘轺兼朱重紫则若固有之此至人之用怀也若席上之珍不积环堵之操不粹者予之过也知之者希名位不臻以玉为石谓凤曰鷦者非余罪也夫汲汲于见知悒悒于否滞者常民之情也浩然而养气淡尔而靡欲者无闷之志也时至道行器大者不悦天地之间知命者不忧若乃徇万金之货索百十之售多失毳毛我则未暇矣新论

### 遇不遇

贤有常质遇有常分贤不贤性也遇不遇命也性见于人故贤愚可定命在于天则否泰难期命运应遇危不必祸愚不必穷命运不遇安不必福贤不必达故患齐而死生殊德同而荣辱异者遇不遇也春日丽天而隐者不照秋霜被地而蔽者不伤遇不遇也昔韩昭侯醉卧而寒典官加之衣觉而问之知典官有爱于己也以越职之故而加诛焉卫之骖乘见御

者之非从后呼车有救危之意不蒙其罪加之以衣恐主之寒呼车忧君之危忠爱之情是同越职之愆亦等典官获罪呼车见德遇不遇也鸱堕腐鼠非虞氏之慢铍冰沃地非射姑之秽事出虑外固非其罪而侠客大怒虞氏见灭邾君大怒而射姑获免遇不遇也齐之华士栖志丘壑而太公诛之魏之乾木遁代幽居而文侯敬之太公之贤非有减于文侯乾木之德非有逾于华士而或荣或戮者遇不遇也董仲舒智德冠代位仅过士田千秋无他殊操以一言取相同遇明主而贵贱悬隔者遇不遇也庄姜适卫美而无宠宿瘤适齐丑而蒙幸遇不遇命也贤不贤性也怨不肖者不通性也伤不遇者不知命也如能临难而不惧贫贱而不忧可为达命者矣

册府元龟

不遇

春秋之际礼乐丧坏列国争霸贤者不遇故宣父之言曰凤鸟不至河图不出吾已矣夫盖困于历聘不得行其道也若乃望庶几而出昼谓濡滞而见讥初学少年被毁于豪贵不修威仪多为于排抵矧复坐衣冠之不整为饥寒之所毙者哉

遇合部艺文一

九章

周屈原

惜诵

惜诵以致愍兮发愤以抒情所非忠而言之兮指苍天以为正令五帝以折中兮戒六神与向服俾山川以备御兮命咎繇使听直竭忠诚以事君兮反离群而赘口忘僇媚以背众兮待明君其知之言与行其可迹兮情与貌其不变故相臣莫若君兮所以证之不远吾谊先君而后身兮羌众人之所仇也专惟君而无他兮又众兆之所仇也一心而不豫兮羌不可保也疾君亲而无他兮有招祸之道也思君其莫我忠兮忽忘身之贱贫事君而不贰兮迷不知宠之门忠何辜以遇罚兮亦非余之所志也行不群以颠越兮又众兆之所诃也纷逢尤以离谤兮謇不可释也

情沈抑而不达兮又蔽而莫之白也心郁邑余侘傺兮又莫察余之中情固烦言不可结而诒兮愿陈志而无路退静默而莫余知兮进号呼又莫余闻申侘傺之烦惑兮中闷瞀之饨饨昔余梦登天兮魂中道而无杭吾使厉神占之兮曰有志极而无旁终危独以离异兮曰君可思而不可恃故众口其铄金兮初若是而逢殆惩热羹而吹兮何不变此志也欲释阶而登天兮犹有曩之态也众骇遽以离心兮又何以以为此伴也同极而异路兮又何以以为此援也晋申生之孝子兮父信谗而不好行婞直而不豫兮口功用而不就吾闻作忠以造怨兮忽谓之过言九折臂而成医兮吾至今乃知其信然矰弋机而在上兮罟罗张而在下误张辟以娱君兮愿侧身而无所欲僮偈以乾僚兮恐重患而离尤欲高飞而远集兮君罔谓女何之欲横奔而失路兮盖坚志而不忍背膺腓以交通兮心郁结而纾轸捣木兰以矫蕙兮口申椒以为粮播江离与滋菊兮愿春日以为糗芳恐情质之不信兮故重着以自明矫兹媚以私处兮愿曾思而远身

### 涉江

余幼好此奇服兮年既老而不衰带长铗之陆离兮冠切云之崔嵬被明月兮佩宝璐世混浊而莫余知兮吾方高驰而不顾驾青虬兮骖白螭吾与重华游兮瑶之圃登昆仑兮食玉英吾与天地兮比寿与日月兮齐光哀南夷之莫吾知兮旦余将济乎江湘乘鄂渚而反顾兮欸秋冬之绪风步余马兮山阿邸余车兮方林乘舲船余上沅兮齐吴榜而击汰船容与而不进兮淹回水而凝滞朝发枉渚兮夕宿辰阳苟余心之端直兮虽僻远其何伤人溱浦余儃偈兮迷不知吾所如深林杳以冥冥兮乃口狄之所居山峻高以蔽日兮下幽晦以多雨霰雪纷其无垠兮云霏霏其承宇哀吾生之亡乐兮幽独处乎山中吾不能变心以从俗兮固将愁苦而终穷接舆髡首兮桑扈裸行忠不必用兮贤不必以伍子逢殃兮比乾菹醢

与前世而皆然兮吾又何怨乎今之人余将董道而不豫兮固将重昏而终身乱曰鸾鸟凤凰日以远兮燕雀乌鹊巢堂坛兮露申辛夷死林薄兮腥臊并御芳不得薄兮阴阳易位时不当兮怀信侘傺忽乎吾将行兮

### 哀郢

皇天之不纯命兮何百姓之震愆民离散而相失兮方仲春而东迁去故乡而就远兮遵江夏以流亡出国门而轸怀兮甲之吾以行发郢都而去闾兮怊荒忽其焉极楫齐扬以容与兮哀见君而不再得望长楸而太息兮涕淫淫其若霰过夏首而西浮兮顾龙门而不见心婵媛而伤怀兮眇不知其所跖顺风波而从流兮焉洋洋而为客凌阳侯之泛滥兮忽翱翔之焉薄心絪结而不解兮思蹇产而不释将运舟而下浮兮上洞庭而下江去终古之所居兮今逍遥而来东羌灵魂之欲归兮何须臾而忘反背夏浦而西思兮哀故都之日远登大坟以远望兮聊以舒吾忧心哀州土之平乐兮悲江介之遗风当陵阳之焉至兮渺南渡之焉如曾不知夏之为丘兮孰两东门之可芜心不怡之长久兮忧与愁其相接惟郢路之辽远兮江与夏之不可涉忽若去不信兮至今九年而不复惨郁郁而不开兮蹇侘傺而含戚外承欢之灼灼兮湛荏弱而难持忠湛湛而愿进兮口被离而郢之彼尧舜之抗行兮瞭杳杳其薄天众谗人之嫉口兮被以不慈之伪名憎愠恠之修美兮好夫人之慷慨众踈蹠而日进兮美超远而逾迈乱曰曼余日以流观兮冀一反之何时鸟飞返故乡兮狐死必首丘信非吾罪而弃逐兮何日夜而忘之

### 抽思

心郁郁之忧思兮独永叹乎增伤思蹇产之不释兮曼遭夜之方长悲秋风之动容兮何四极之浮浮数惟荪之多怒兮伤余心之惓惓愿遥赴而横奔兮览民尤以自镇结微情以陈词兮矫以遗夫美人昔君与我成言兮曰黄昏以为期羌中道而回畔兮反既

有此他志憍吾以其美好兮览余以其修姱与余言而不信兮盖为余而造怒愿承间而自察兮心震悼而不敢悲夷犹而冀进兮心怛伤之憺憺兹历情以陈辞兮荪佯聋而不闻固切人之不媚兮众果以我为患初吾所陈之耿着兮岂不至今其庸亡何独乐斯之謇謇兮愿荪美之可完望三五以为像兮指彭咸以为仪夫何极而不至兮故远闻而难亏善不由外来兮名不可以虚作孰无施而有报兮孰不实而有获少歌曰与美人之抽思兮并日夜而无正憍吾以其美好兮敖朕辞而不听倡曰有鸟自南兮来集汉北好姱佳丽兮胖独处此异域既惻独而不群兮又无良媒在其侧道卓远而日忘兮愿自申而不得望北山而流涕兮临流水而太息望孟夏之短夜兮何晦明之若岁惟郢路之辽远兮魂一夕而九逝曾不知路之曲直兮南指月与列星愿径逝而不得兮魂识路之营营何灵魂之信直兮人之心不与吾心同理弱而媒不通兮尚不知余之从容乱曰长濑湍流溯江潭兮狂顾南行聊娱心兮轸石崑嶷蹇吾愿兮超回志度行隐进兮低徊夷犹宿北姑兮烦冤瞿容实沛徂兮愁叹苦神灵遥思兮路远处幽又无行媒兮道思作颂聊以自救兮忧心不遂斯言谁告兮

### 怀沙

滔滔孟夏兮草木莽莽伤怀永哀兮汨徂南土眴兮杳杳孔静幽默郁结纒轸兮离□而长鞠抚情□志兮俯首以自抑刑方以为圜兮常度未替易初本迪兮君子所鄙章画志墨兮前图未改内厚质正兮大人所□巧倕不斫兮孰察其揆正元文处幽兮瞽谓之不章离娄微睇兮瞽以为无明变白以为黑兮倒上以为下凤凰在笱兮鸡鹜翔舞同糝玉石兮一概而相量夫惟党人之鄙固兮羌不知余之所臧任重载盛兮陷滞而不济怀瑾握瑜兮穷不知所示邑犬群吠兮吠所怪也非俊疑桀兮固庸态也文质疏内兮众不知余之异采材朴委积兮莫知余之所有重仁袭义兮谨厚以为丰重华不可□兮孰知余之

从容古固有不并兮岂知其何故汤禹久远兮邈而不可慕  
惩违改忿兮抑心而自强离口而不迁兮愿志之有像进路北次兮  
日昧昧其将暮舒忧娱哀兮限之以大故乱曰浩浩沅湘分流汨兮  
修路幽蔽道远忽兮怀情抱质独无匹兮伯乐既没骥焉程兮民生稟命  
各有所错兮定心广志余何畏惧兮曾伤爰哀永叹喟兮世混浊莫吾知  
人心不可谓兮知死不可让愿弗爱兮明告君子吾将以为类兮

### 思美人

思美人兮擘涕而口胎媒绝路阻兮言不可结而诒蹇蹇之烦冤兮  
滔滞而不发申旦以舒中情兮志沉菀而莫达愿寄言于浮云兮遇丰隆  
而不将因归鸟而致辞兮羌迅高而难当高辛之灵晟兮遭元鸟而致诒  
欲变节以从俗兮愧易初而屈志独历年而离愍兮羌凭心犹未化宁隐  
闵而寿考兮何变易之可为知前辙之不遂兮未改此度车既覆而马颠兮  
蹇独怀此异路勒骐驎而更驾兮造父为我操之迁逡次而弗驱兮聊假日  
以须时指嶓冢之西隈兮与纁黄以为期开春发岁兮白日出之悠悠吾将  
荡志而愉乐兮遵江夏以娱忧擘大薄之芳口兮搴长洲之宿莽惜吾不及古  
之人兮吾谁与玩此芳草解篇薄与杂菜兮备以为交佩佩缤纷以缭转兮  
遂萎绝而离异吾且儵徊以娱忧兮观南人之变态窃快在其中心兮扬厥凭  
而不口芳与泽其杂糅兮羌芳华自中出纷郁郁其远烝兮满内而外扬情  
与质信可保兮羌居蔽而闻章令薜荔以为理兮惮举趾而缘木因芙蓉以为  
媒兮惮褰裳而濡足登高吾不说兮入下吾不能固朕形之不服兮然容与而  
狐疑广遂前画兮未改此度也命则处幽吾将罢兮愿及白日之未暮也独  
茕茕而南行兮思彭咸之故也

### 惜往日

惜往日之曾信兮受命诏以昭时奉先功以照下兮明法度之嫌疑国富强而法立兮属贞臣而日嫉秘密事之载心兮虽过失犹弗治心纯庞而不泄兮遭

谗人而嫉之君含怒以待臣兮不清澄其然否蔽晦  
君之聪明兮虚惑误又以欺勿参验以考实兮远迁  
臣而勿思信谗谀之混浊兮□气志而过之何贞臣  
之无罪兮被讟谤而见尤□光景之诚信兮身幽隐  
而备之临沅湘之元渊兮遂自忍而沉流卒没身而  
绝名兮惜靡君之不昭君无度而弗察兮使芳草为  
藪幽焉抒情而抽信兮恬死亡而不聊独鄣靡而蔽  
隐兮使贞臣而无由闻百里之为虏兮伊尹烹于庖  
厨吕望屠于朝歌兮宁戚歌而饭牛不逢汤武与桓  
缪兮世孰云而知之吴信谗而勿味兮伍胥死而后  
忧介子忠而立枯兮文公寤而追求封介山而为之  
禁兮报大德之优游思久故之亲身兮因缟素而哭  
之或忠信而死节兮或訑谩而不疑弗省察而按实  
兮听谗人之虚辞芳与泽其杂糅兮孰申旦而别之  
何芳草之早夭兮微霜降而下戒凉不聪明而蔽靡  
兮使谗谀而日得自前世之嫉贤兮谓蕙若其不可  
佩妒佳冶之芬芳兮母姣而自好虽有西施之美  
容兮谗妒入以自代愿陈情以白行兮得罪过之不  
意情冤见之日明兮如列宿之错置□骐驎而驰骋  
兮无辔□而自载乘泛泝以下流兮无舟□而自备  
背法度而心治兮辟与此其无异宁溘死而流亡兮  
恐祸殃之有再不毕辞以赴渊兮惜靡君之不识

### 橘颂

后皇嘉树橘徠服兮受命不迁生南国兮深固难徙  
更一志兮绿叶素荣纷其可喜兮曾枝剌棘圆果搏  
兮青黄杂糅文章烂兮精色内白类任道兮纷缦宜  
修姱而不丑兮嗟尔幼志有以异兮独立不迁岂不  
可喜兮深固难徙廓其无求兮苏世独立横而不流  
兮闭心自慎终不过失兮秉德无私参天地兮愿岁  
并谢与长友兮淑离不摇梗其有理兮年岁虽少可  
师长兮行比伯夷置以为像兮

### 悲回风

悲回风之摇蕙兮心冤结而内伤物有微而隕性兮  
声有隐而先倡夫何彭咸之造思兮暨志介而不忘



万变其情岂可盖兮孰虚伪之可长鸟兽鸣以号群兮草苴比而不芳鱼菀鳞以自别兮蛟龙隐其文章故荼荠不同亩兮兰□幽而独芳惟佳人之永都兮更统世以自觐眇远志之所及兮怜浮云之相羊介眇志之所惑兮窃赋诗之所明惟佳人之独怀兮折芳椒以自处曾歔歔之嗟嗟兮独隐伏而思虑涕泣交而淒淒兮思不眠以至曙终长夜之曼曼兮掩此哀而不去寤从容以周流兮聊逍遥以自恃伤太息之愍怜兮气于邑而不可止□思心以为纒兮编愁苦以为膺折若木以蔽光兮随□风之所仍存仿□而不见兮心踊跃其若汤抚佩□以案志兮超惘惘而遂行岁芻芻其若頽兮时亦冉冉而将至蘋蘅稿而节离兮芳已歇而不比怜思心之不可惩兮证此言之不可聊宁溘死而流亡兮不忍此心之常愁孤子吟而拭泪兮放子出而不还孰能思而不隐兮昭彭咸之所闻登石峦以远望兮路眇眇之默默入景响之无应兮闻省想而不可得愁郁郁之无快兮居戚戚而不可解心鞿羈而不开兮气缭转而自缔穆眇眇之无垠兮莽芒芒之无仪声有隐而相感兮物有纯而不可为邈漫漫之不可量兮缥绵绵之不可纾愁悄悄之常悲兮翩冥冥之不可娱凌大波而流风兮托彭咸之所居上高岩之峭岸兮处雌霓之标颠据青冥而攄虹兮遂倏忽而扞天吸湛露之浮凉兮漱凝霜之氛氛依风□以自息兮忽倾寤以婣媛冯昆仑以澄雾兮隐山以清江惮涌湍之□□兮听波声之汹汹纷容容之无经兮罔芒芒之无纪轧洋洋之无从兮驰委移之焉止漂翻翻其上下兮翼遥遥其左右泛潏潏其前后兮伴张弛之信期观炎气之相仍兮窥烟液之所积悲霜雪之俱下兮听潮水之相击借光景以往来兮施黄棘之枉策求介子之所存兮见伯夷之放迹心调度而弗去兮刻着志之无适曰吾怨往昔之所冀兮悼来者之浮江淮而入海兮从子胥而自适望大河之洲渚兮悲申徒之抗迹骤谏君而不听兮任重石之何益以絪结

而不解兮思蹇产而不释

吊屈原赋

汉贾谊

恭承嘉惠兮口罪长沙仄闻屈原兮自湛汨罗造托  
湘流兮敬吊先生遭世罔极兮乃陨厥身呜呼哀哉  
兮逢时不祥鸾凤伏窜兮鸱鸢翱翔闾茸尊显兮谗  
谀得志贤圣逆曳兮方正倒植谓随夷混兮谓跖蹠  
廉莫邪为钝兮铅刀为铍于嗟默默生之亡故兮斡  
弃周鼎宝康瓠兮腾驾罢牛骖蹇驴兮骥垂两耳服  
盐车兮章父荐屨渐不可久兮嗟若先生独离此咎  
兮诤曰已矣国其莫吾知兮子独壹郁其谁语凤缥  
缥其高逝兮夫固自引而远去袭九渊之神龙兮沕  
渊潜以自珍偃螭獭以隐处兮夫岂从虾与蛭螾所  
贵圣之神德兮远浊世而自臧使麒麟可系而羈兮  
岂云异夫犬羊般纷纷其离此邮兮亦夫子之故也  
历九州而相其君兮何必怀此都也凤凰翔于千仞  
兮览德辉而下之见细德之险微兮遥增击而去之  
彼寻常之污渎兮岂容吞舟之鱼横江湖之鱣鲸兮  
固将制于蝼蚁

惜誓

前人

惜余年老而日衰兮岁忽忽而不反登苍天而高举  
兮历众山而日远观江河之纡曲兮临四海之沾濡  
攀北极而一息兮吸沆瀣以充虚飞朱鸟使先驱兮  
驾太一之象舆苍龙蚺虬于左骖兮白虎骋而为右  
騑建日月以为盖兮载玉女于后车驰骛于杳冥之  
中兮休息呼昆仑之墟乐穷极而不厌兮愿从容乎  
神明涉丹水而驰骋兮右大夏之遗风鸿鹄之一举  
兮知山川之纡曲再举兮睹天地之圜方临中国之  
众人兮托回口乎尚羊乃至少原之口兮赤松王乔  
皆在旁二子拥瑟而调均兮余因称乎清商淡然而  
自乐兮吸众气而翱翔念我长生而久仙兮不如反  
余之故乡黄鹄后时而寄处兮鸱枭群而制之神龙  
失水而陆居兮为蝼蚁之所裁夫黄鹄神龙犹如此  
兮况贤者之逢乱世哉寿冉冉而日衰兮固儻回而  
不息俗流从而不止兮众枉聚而矫直或偷合而苟

进兮或隐居而深藏若称量之不审兮同权概而就衡或推移而苟容兮或直言之谔谔伤诚是之不察兮并纫茅丝以为索方世俗之幽昏兮眩白黑之美恶放山渊之龟玉兮相与贵夫砾石梅伯数谏而至醢兮来革顺志而用国悲仁人之尽节兮反为小人之所贼比乾忠谏而剖心箕子被发而佯狂水背流而源竭兮木去根而不长非重躯以虑难兮惜伤身之无功已矣哉独不见夫鸾凤之高翔兮乃集太皇之口循四极而回周兮见盛德而后下彼圣人之神德兮远浊世而自藏使麒麟可得羈而系兮又何以异乎犬羊

士不遇赋

董仲舒

呜呼嗟乎遐哉邈矣时来曷迟去之速矣屈意从人非吾徒矣正身俟时将就木矣悠悠偕时岂能觉矣心之忧欤不期禄矣皇皇匪宁祇增辱矣努力触藩徒摧角矣不出户庭庶无过矣重曰生不丁三代之圣隆兮而丁三季之末俗以辩诈而期通兮贞士耿介而自束虽日三省于吾身兮犹怀进退之惟谷彼实繁之有徒兮指其白而为黑目信嫫而视眇兮口信辩而言讷鬼神不能正人事之变戾兮圣贤亦不能开愚夫之违惑出门则不可以偕往兮藏器又嗤其不容退洗心而内讼兮亦未知其所从也观上古之清浊兮廉士亦葢葢而靡归殷汤有卞随与务光兮周武有伯夷与叔齐卞随务光遁迹于深渊兮伯夷叔齐登山而采薇使彼圣人其犹周遑兮矧举世而同迷若伍员与屈原兮固亦无所复顾亦不能同彼数子兮将远游而终慕于吾侪之云远兮疑荒途而难践悼君子之于行兮诚三日而不饭嗟天下之偕违兮怅无与之偕返孰若返身于素业兮莫随世而轮转虽矫情而获百利兮复不如正心而归一善纷既迫而后动兮岂云禀性之惟褊昭同人而大有兮明谦光而务展遵幽昧于默足兮岂舒采而蕲显苟肝胆之可同兮奚须发之足辨也

答客难

东方朔

- 19 -

客难东方朔曰苏秦张仪一当万乘之主而都卿相之位泽及后世今子大夫修先王之术慕圣人之义讽诵诗书百家之言不可胜数着于竹帛唇腐齿落服膺而不释好学乐道之效明白甚矣自以智能海内无双则可谓博闻辩智矣然悉力尽忠以事圣帝旷日持久官不过侍郎位不过执戟意者尚有遗行邪同胞之徒无所容居其故何也东方先生喟然长息仰而应之曰是故非子之所能备也彼一时也此一时也岂可同哉夫苏秦张仪之时周室大坏诸侯不朝力政争权相擒以兵并为十二国未有雌雄得士者强失士者亡故谈说行焉身处尊位珍宝充内外有廩仓泽及后世子孙长享今则不然圣帝流德天下震慑诸侯宾服威震四夷连四海之外以为带安于覆盂天下平均合为一家动发举事犹运之掌贤不肖何以异哉遵天之道顺地之利物无不得其所故绥之则安动之则苦尊之则为将卑之则为虏抗之则在青云之上抑之则在深泉之下用之则为虎不用则为鼠虽欲尽节效情安知前后夫天地之大士民之众竭精谈说并进辐辏者不可胜数悉力慕之困于衣食或失门户使苏秦张仪与仆并生于今之世曾不得掌故安敢望常侍郎乎平传曰天下无灾害虽有圣人无所施才上下和同虽有贤者无所立功故曰时异事异虽然安可以不务修身乎哉诗云鼓钟于宫声闻于外鹤鸣于九皐声闻于天苟能修身何患不荣太公体行仁义七十有二乃设用于文武得信厥说封于齐七百岁而不绝此士所以日夜孳孳敏行而不敢怠也辟若鸽飞且鸣矣传曰天不为人之恶寒而辍其冬地不为人之恶险而辍其广君子不为小人之匈匈而易其行天有常度地有常形君子有常行君子道其常小人计其功诗云礼义之不愆何恤人之言故曰水至清则无鱼人至察则无徒冕而前旒所以蔽明黈纆充耳所以塞聪明有所不见听有所不闻举大德赦小过无求备于一人之义也枉而直之使自得之优而柔之使自求

之揆而度之使自索之盖圣人之教化如此欲其自得之自得之则敏且广矣今世之处士时虽不用魁然无徒廓然独居上观许由下察接舆计同范蠡忠合子胥天下和平与义相扶寡耦少徒固其宜也子何疑于我哉若夫燕之用乐毅秦之任李斯酈食其之下齐说行如流曲从如环所欲必得功若丘山海内定国家安是遇其时也子又何怪之邪语曰以管窥天以蠡测海以莛撞钟岂能通其条贯考其文理发其音声哉繇是观之譬犹鯖鮠之袭狗孤豚之咋虎至则靡耳何功之有今以下愚而非处士虽欲弗困固不得已此适足以明其不知权变而终惑于大道也

### 七谏

### 前人

平生于国兮长于原口言语讷謇兮又无强辅浅智褊能兮闻见又寡数言便事兮见怨门下王不察其长利兮卒见弃乎原口伏念思过兮无可改者群众成朋兮上侵以惑巧佞在前兮贤者灭息尧舜圣已没兮孰为忠直高山崔巍兮水流汤汤死日将至兮与麋鹿同坑块鞠兮当道宿举世皆然兮余将谁告斥逐鸿鹄兮近习鸱枭斩伐橘柚兮列树苦桃便娟之修竹兮寄生乎江潭上葳蕤而防露兮下泠泠而来风孰知其不合兮若竹柏之异心往者不可及兮来者不可待悠悠苍天兮莫我振理窃怨君之不寤兮吾独死而后已

### 初放

惟往古之得失兮览私微之所伤尧舜圣而慈仁兮后世称而弗忘齐桓失于专任兮夷吾忠而名彰晋献惑于骀姬兮申生孝而被殃偃王行其仁义兮荆文寤而徐亡纣暴虐以失位兮周得佐乎吕望修往古以行恩兮封比乾之丘垄贤俊慕而自附兮日浸淫而合同明法令而修理兮兰芷幽而有芳苦众人之妒予兮箕子寤而佯狂不顾地以贪名兮心怫郁而内伤联蕙芷以为佩兮过鲍肆而失香正臣端其操行兮反离谤而见攘世俗更而变化兮伯夷饿于

首阳独廉洁而不容兮叔齐久而逾明浮云陈而蔽  
晦兮使日月乎无光忠臣贞而欲谏兮谗谀毁而在  
旁秋草荣其将实兮微霜下而夜降商风肃而害生  
兮百草育而不长众并谐以妒贤兮孤圣特而易伤  
怀计谋而不见用兮岩穴处而隐藏成功隳而不卒  
兮子胥死而不葬世从俗而变化兮随风靡而成行  
信直退而毁败兮虚伪进而得当追悔过之无及兮  
岂尽忠而有功废制度而不用兮务行私而去公终  
不变而死节兮惜年齿之未央将方舟而下流兮冀  
幸君之发痛忠言之逆耳兮恨申子之沉江愿悉  
心之所闻兮遭值君之不聪不开寤而难道兮不别  
横之与纵听奸臣之浮说兮绝国家之久长灭规矩  
而不用兮背绳墨之正方离忧患而乃寤兮若纵火  
于秋蓬业失之而不救兮尚何论乎祸凶彼离畔而  
朋党兮独行之士其何望日渐染而不知兮秋毫微  
哉而变容众轻积而折轴兮原咎杂而累重赴湘沅  
之流澌兮恐逐波而复东怀沙砾而自沉兮不忍见  
君之蔽壅

### 沉江

世沉淖而难论兮俗岑峨而参嵯清泠泠而歼灭兮  
混湛湛而日多梟鸱既以成群兮元鹤弭翼而屏移  
蓬艾亲入御于□第兮马兰蹠蹠而日加弃捐药芷  
与杜蘅兮余奈世之不知芳何周道之平易兮然芜  
秽而险戏高阳无故而委尘兮唐虞点灼而毁议谁  
使正其真是兮虽有八师而不可为皇天保其高兮  
后土持其久服清白以逍遥兮偏与乎元英异色西  
施媢媢而不得见兮母勃屑而日侍桂□不知所  
淹留兮蓼虫不知徙乎葵菜处悠悠之浊世兮今安  
所达乎吾志意有所载而远逝兮固非众人之所识  
骥踟蹰于弊輦兮遇孙阳而得代吕望穷困而不聊  
生兮遭周文而舒志□戚饭牛而商歌兮桓公闻而  
弗置路室女之方桑兮孔子过之以自侍吾独乖刺  
而无当兮心悼怵而耄思思比乾之悝悝兮哀子胥  
之慎事悲楚人之和氏兮献宝玉以为石遇厉武之

不察兮羌两足以毕斫小人之居势兮视忠贞之何  
若改前圣之法度兮喜嗷嗷而妄作亲谗谀而疏贤  
圣兮讼谓閻娵为丑恶愉近习而蔽远兮孰知察其  
黑白卒不得口其心容兮安眇眇而无所归薄专精  
爽以自明兮晦冥冥而壅蔽年既已过大半兮然  
辄而留滞欲高飞而远集兮恐离网而灭败独冤抑  
而无极兮伤精神而寿夭皇天既不纯命兮余生终  
无所依愿自沉于江流兮绝横流而径逝宁为江海  
之泥涂兮安能久见此浊世

### 怨世

贤士穷而隐处兮廉方正而不容子胥谏而靡躯兮  
比乾忠而剖心子推自剖而君兮德日忘而怨深  
行明白而日黑兮荆棘聚而成林江离弃于穷巷兮  
蒺藜蔓乎东厢贤者蔽而不见兮谗谀进而相朋泉  
鸱并进而俱鸣兮凤凰飞而高翔愿一往而径逝兮  
道壅绝而不通

### 怨思

居愁勤其谁告兮独永思而忧悲内自省而不口兮  
操愈坚而不衰隐三年而无决兮岁忽忽其若颓怜  
余身不足以卒意兮冀一见而复归哀人事之不幸  
兮属天命而委之咸池身被疾而不间兮心沸热其  
若汤冰炭不可以相并兮吾固知乎命之不长哀独  
苦死之无乐兮惜予年之未央悲不反余之所居兮  
恨离予之故乡鸟兽惊而失群兮犹高飞而哀鸣狐  
死必首丘兮夫人孰能不反其真情故人疏而日忘  
兮新人近而俞好莫能行于杳冥兮孰能施于无报  
若众人之皆然兮乘回风而远游凌恒山其若陋兮  
聊偷娱以忘忧悲虚言之无实兮苦众口之铄金过  
故乡而一顾兮泣歔歔而沾襟厌白玉以为面兮怀  
琬琰以为心邪气入而惑内兮施玉色而外淫何青  
云之流澜兮微霜降之蒙蒙徐风至而徘徊兮疾风  
过之汤汤闻南藩乐而欲往兮至会稽而且止见韩  
众而宿之兮问天道之所在借浮云以送予兮载雌  
霓而为旌驾青龙以驰骛兮班衍衍之冥冥忽容容

其安之兮超慌忽其焉如苦众人之难信兮愿离群而远举登峦山而远望兮好桂树之冬荣观天火之炎炆兮听大壑之波声引八维以自道兮含沆瀣以长生居不乐以时思兮食草木之秋实饮菌若之朝露兮构桂木而为室杂橘柚以为囿兮列辛夷与椒楨口鹤孤而夜号兮哀居者之诚贞

### 自悲

哀时命之不合兮伤楚国之多忧内怀情之洁白兮遭乱世而离尤恶耿介之直行兮世混浊而不知何君臣之相失兮上沅湘而分离测汨罗之湘水兮知时固而不反伤离散之交乱兮遂侧身而既远处元舍之幽门兮穴岩石而窟伏从水蛟而为徒兮与神龙乎休息何山石之口岩兮灵魂屈而偃蹇含素水而蒙深兮日耿耿而既远哀形体之离解兮神罔两而无舍惟椒兰之不反兮魂迷惑而不知路愿无过之设行兮虽灭没之自乐痛楚国之流亡兮哀灵修之过到固时俗之混浊兮志瞽迷而不知路念私门之正匠兮遥涉江而远去念女之婵娟兮涕泣流乎于悒我决死而不生兮虽重追吾何及戏疾瀨之素水兮望高山之蹇产哀高丘之赤岸兮遂没身而不反

### 哀命

怨灵修之浩荡兮夫何执操之不固悲太山之为隍兮孰江河之可涸愿承间而效志兮恐犯忌而乾讳卒抚情以寂寞兮然怊怅而自悲玉与石而同匱兮贯鱼眼于珠玑駑骏杂而不分兮服罢牛而骖骥年滔滔而日远兮寿冉冉而俞衰心怵憚而烦冤兮蹇超遥而无冀固时俗之工巧兮灭规矩而改错却骐驎而不乘兮策駑骀而取路当世岂无骐驎兮诚无王良之善驭见执轡者非其人兮故驹跳而远去不量凿而正枘兮恐口鑊之不同不论世而高举兮恐操行之不调弧弓弛而不张兮孰云知其所至无倾危之患难兮焉知贤士之所死俗推佞而进富兮节行张而不着贤良蔽而不群兮朋曹比而党誉邪枉



说饰而多曲兮正法弧而不公直士隐而辟匿兮谗  
谀登乎明堂弃彭咸之娱乐兮灭巧倕之绳墨菑落  
杂于丛蒸兮机蓬矢以射革驾蹇驴而无策兮又何  
路之能极以直针而为钓兮又何鱼之能得伯牙之  
绝弦兮无锺子期而听之和抱璞而泣血兮安得良  
工而剖之同音者相和兮同类者相似飞鸟号其群  
兮鹿鸣求其友故叩宫而宫应兮弹角而角动虎啸  
而谷风生兮龙举而景云往音声之相和兮言物类  
之相感也夫方圜之异形兮势不可以相错列子隐  
身而穷处兮世莫可以寄托众鸟皆有行列兮凤独  
翱翔而无所薄经浊世而不得志兮愿侧身岩穴而  
自托欲阖口而无言兮尝被君之厚德独便愔而怀  
毒兮愁郁郁之焉极念三年之积思兮愿一见而陈  
词不及君而骋说兮世孰可为明之身寝疾而日愁  
兮情沈抑而不扬众人莫可与论道兮悲精神之不  
通

#### 谬谏

乱曰鸾凰孔凤日以远兮畜鳧驾鹅鸡鹜满堂坛兮  
口鼃游乎华池要褻奔亡兮腾驾口驼铅刀进御兮  
遥弃太阿拔塞元芝兮列树芋荷橘柚萎枯兮苦李  
旖旎甌瓿登于明堂兮周鼎潜乎深渊自古而固然  
兮吾又何怨乎今之人

#### 悲士不遇赋

司马迁

悲夫士生之不辰愧顾影而独存恒克己而复礼惧  
志行而无闻谅才黠而世戾将逮死而长勤虽有形  
而不彰徒有能而不陈何穷达之易惑信美恶之难  
分时悠悠而荡荡将遂屈

#### 遇合部艺文二

#### 自陈疏

后汉冯衍

臣伏念高祖之略而陈平之谋毁之则疏誉之则亲  
以文帝之明而魏尚之忠绳之以法则为罪施之以  
德则为功逮至晚世董仲舒言道德见妒于公孙弘  
李广奋节于匈奴见排于卫青此忠臣之常所为流  
涕也臣衍自惟微贱之臣上无无知之荐下无冯唐

之说乏董生之才寡李广之势而欲免谗口济怨嫌岂不难哉臣衍之先祖以忠贞之故成私门之祸而臣衍复遭扰攘之时值兵革之际不敢回行求时之利事君无倾邪之谋将帅无虏掠之心卫尉阴兴敬慎周密内自修口外远嫌疑故敢与交通兴知臣之贫数欲本业之臣自惟无三益之才不敢处三损之地固让而不受之昔在更始太原执货财之柄居仓卒之间据位食禄二十余年而财产岁狭居处日贫家无布帛之积出无舆马之饰于今遭清明之时飭躬力行之秋而怨讎丛兴讥议横世盖富贵易为善贫贱难为工也疏远垄亩之臣无望高阙之下惶恐自陈以救罪尤

### 显志赋

### 前人

开岁发春兮百卉含英甲子之朝兮汨吾西征发轫新丰兮徘徊镐京陵飞廉而太息兮登平阳而怀伤悲时俗之险厄兮哀好恶之无常弃衡石而意量兮随风波而飞扬纷纶流于权利兮亲雷同而妒异独耿介而慕古兮岂时人之所口沮先圣之成论兮邈名贤之高风忽道德之珍丽兮务富贵之乐耽遵大路而徘徊兮履孔德之窈冥固众夫之所眩兮孰能观于无形行劲直以离尤兮羌前人之所有内自省而不口兮遂定志而弗改欣吾党之唐虞兮愍吾生之愁勤聊发愤而扬情兮将以荡夫忧心往者不可攀援兮来者不可与期病没世之不称兮愿横逝而无由陟雍時而消摇兮超略阳而不反念人生之不再兮悲六亲之日远陟九口而临嶭兮听泾渭之波声顾鸿门而歔歔兮哀吾孤之早零何天命之不纯兮信吾罪之所生伤诚善之无辜兮赍此恨而入冥嗟我思之不远兮岂败事之可悔虽九死而不瞑兮恐余殃之有再泪汎澜而雨集兮气滂沱而云披心拂郁而纾结兮意沈抑而内悲瞰太行之嵯峨兮观壶口之峥嵘悼丘墓之芜秽兮恨昭穆之不荣岁忽忽而日迈兮寿冉冉其不与耻功业之无成兮赴原野而穷处昔伊尹之乾汤兮七十说而乃信口陶

钓于雷泽兮赖虞舜而后亲无二士之遭遇兮抱忠贞而莫达率妻子而耕耘兮委厥美而不伐韩卢抑而不纵兮骐骥绊而不试独慷慨而远览兮非庸庸之所识卑卫赐之阜货兮高颜回之所慕重祖考之洪烈兮故收功于此路循四时之代谢兮分五土之刑德相林麓之所产兮尝水泉之所殖修神农之本业兮采轩辕之奇策追周弃之遗教兮轶范蠡之绝迹陟陇山以逾望兮眇然览于八荒风波□其□兴兮情惆怅而增伤览河华之泱泱兮望秦晋之故国愤冯亭之不远兮愠去疾之遭惑流山岳而周览兮徇碣石与洞庭浮江河而入海兮溯淮济而上征瞻燕齐之旧居兮历宋楚之名都哀群后之不祀兮痛列国之为墟驰中夏而升降兮路纡轸而多艰讲圣哲之通论兮心怫忆而纷纭惟天路之同轨兮或帝王之异政尧舜焕其荡荡兮禹承平而革命并日夜而幽思兮终怵憚而洞疑高阳邈其超远兮世孰可与论兹讯夏启于甘泽兮伤帝典之始倾颂成康之载德兮咏南风之歌声思唐虞之晏晏兮揖稷契与为朋苗裔纷其条畅兮至汤武而勃兴昔三后之纯粹兮每季世而穷祸吊夏桀于南巢兮哭殷纣于牧野诏伊尹于亳郊兮享吕望于酆州功与日月齐光兮名与三王争流杨朱号乎衢路兮墨子泣乎白丝知渐染之易性兮怨造作之弗思美关雎之识微兮愍王道之将崩拔周唐之盛德兮捃桓文之谄功忿战国之遘祸兮憎权臣之擅强黜楚子于南郢兮执赵武于溴梁善忠信之救时兮恶诈谋之妄作聘申叔于陈蔡兮禽荀息于虞虢诛□鉏之介圣兮讨臧仓之訴知訴子反于彭城兮爵管仲于夷仪疾兵革之寢滋兮苦攻伐之萌生沉孙武于五湖兮斩白起于长平恶丛巧之乱世兮毒纵横之败俗流苏秦于洹水兮幽张仪于鬼谷澄德化之陵迟兮烈刑罚之峭峻燔商鞅之法术兮烧韩非之说论谄始皇之跋扈兮投李斯于四裔灭先主之法则兮祸寢淫而弘大援前圣以制中兮矫二主之骄奢馐女齐于绛台

兮飨椒举于章华摛道德之光耀兮匡衰世之眇风  
褒宋襄于泓谷兮表季札于延陵摭仁智之英华兮  
激乱国之末流观郑侨于溱洧兮访晏婴于营丘日  
暄暄其将暮兮独于邑而烦惑夫何九州之博大兮  
迷不知路之南北驱素虬而驰骋兮乘翠云而相伴  
就伯夷而折中兮得务光而愈明款子高于中野兮  
遇伯成而定虑钦真人之德美兮淹踌躇而弗去意  
斟湛而不淡兮俟回风而容与求善卷之所存兮遇  
许由而负黍轳吾车于箕阳兮秣吾马于颍潁闻至  
言而晓领兮还吾反乎故宇览天地之幽奥兮统万  
物之维纲究阴阳之变化兮昭五德之精光跃青龙  
于沧海兮豢白虎于金山凿岩石而为室兮托高阳  
以养仙神雀翔于鸿□兮元武潜于婴冥伏朱楼而  
四望兮采三秀之华英纂前修之姱节兮曜往昔之  
光勋披绮季之丽服兮扬屈原之灵芬高吾冠之岌  
岌兮长吾佩之洋洋饮六醴之清液兮食五芝之茂  
英捷六枳而为篱兮筑蕙若而为室播兰芷于中庭  
兮列杜蘅于外术攒射乾而杂靡芜兮构木兰与辛  
夷光扈扈而炀耀兮纷郁郁而畅美华芳其发越  
兮时恍忽而莫贵非惜身之轲轲兮怜众美之□□  
游精神于大宅兮抗元妙之常操处清静以养志兮  
实吾心之所乐山峨峨而造天兮林冥冥而畅茂鸾  
回翔索其群兮鹿哀鸣而求其友诵古今以散思兮  
览圣贤以自镇嘉孔丘之知命兮太老聃之责元德  
与道其孰宝兮名与身其孰亲陂山谷而闲处兮守  
寂寞而存神夫庄周之钓鱼兮辞卿相之显位于陵  
子之灌园兮似至人之仿□盖隐约而得道兮羌穷  
悟而入术离尘垢之窈冥兮配乔松之妙节惟吾志  
之所庶兮固与俗其不同既傲倪而高引兮愿观其  
从容

自论

前人

冯子以为大人之德不碌碌如玉落落如石风兴云  
蒸一龙一蛇与道翱翔与时变化夫岂守一节哉用  
之则行舍之则藏进退无主屈伸无常故曰有法无

法因时为业有度无度与物趣舍常务道德之实而不求当世之名阔略杪小之礼荡佚人间之事正身直行恬然肆志顾尝好倜傥之策时莫能听用其谋喟然长叹自伤不遭久栖迟于小官不得舒其所怀抑心折节意凄情悲夫伐冰之家不利鸡豚之息委积之臣不操市井之利况历位食禄二十余年而财产益狭居处益贫惟夫君子之仕行其道也虑时务者不能兴其德为身求者不能成其功去而归家复羁旅于州郡身愈据职家弥穷困卒离饥寒之灾有丧元子之祸先将军葬渭陵哀帝之崩也营之以为园于是以新丰之东鸿门之上寿安之中地埶高敞四通广大南望邠山北属泾渭东瞰河华龙门之阳三晋之路西顾酆鄗周秦之丘宫观之墟通视千里览见旧都遂定莹焉退而幽居盖忠臣过故墟而歔歔歔孝子入旧室而哀叹每念祖考着盛德于前垂鸿烈于后遭时之祸坟墓芜秽春秋蒸尝昭穆无列年衰岁暮悼无成功将西田牧肥饶之野殖生产修孝道营宗庙广祭祀然后阖门讲习道德观览乎孔老之论庶几乎松乔之福上陇阪陟高冈游精宇宙流目八紘历观九州山川之体追览上古得失之风愍道陵迟伤德分崩夫睹其终必原其始故存其人而咏其道疆理九野经营五山眇然有思凌云之意乃自赋自厉命其篇曰显志显志者言光明风化之情昭章元妙之思也

### 答宾戏

有  
序

班固

永平中为郎典校秘书专笃志于儒学以著述为业或讥以无功又感东方朔扬雄自喻以不遭苏张范蔡之时曾不折之以正道明君子之所守故聊复应焉其辞曰

宾戏主人曰盖闻圣人有一定之论烈士有不易之分亦云名而已矣故太上有立德其次有立功夫德

不得后身而特盛功不得背时而独彰是以圣□之治栖栖遑遑孔席不暖墨突不黔由此言之取舍者昔人之上务著作者前烈之余事耳今吾子幸游帝王之世躬带绂冕之服浮英华湛道德轡龙虎之文旧矣卒不能攄首尾奋翼鳞振拔洿涂跨腾风云使见之者影骇闻之者响震徒乐枕经籍书紆体衡门上无所下无所根独攄意乎宇宙之外锐思于毫芒之内潜神默记緼以年岁然而器不贾于当己用不效于一世虽驰辩如涛波摛藻如春华犹无益于殿最也意者且运朝夕之策定合会之计使存有显号亡有美谥不亦优乎主人逌尔而笑曰若宾之言所谓见世利之华暗道德之实守窅奥之荧烛未仰天庭而睹白日也曩者王涂芜秽周失其驭侯伯方轨战国横鹜于是七雄虓阚分裂诸夏龙战虎争游说之徒风飏电激□起而救之其余焱飞景附霄煜其间者盖不可胜载当此之时搦朽磨钝铅刀皆能一断是故鲁连飞一矢而蹶千金虞卿以顾盼而捐相印夫啾发投曲感耳之声合之律度淫而不可听者非韶夏之乐也因势合变偶时之会风移俗易乖迕而不可通者非君子之法也及至从人合之衡人散之亡命漂说羈旅骋辞商鞅挟三术以钻孝公李斯奋时务而要始皇彼皆躐风尘之会履颠沛之势据僥乘邪以求一日之富贵朝为荣华夕为□□福不盈眦祸溢于世凶人且以自悔况吉士而是赖乎且功不可以虚成名不可以伪立韩设辩以激君吕行诈以贾国说难既遁其身乃囚秦货既贵厥宗亦坠是以仲尼抗浮云之志孟轲养浩然之气彼岂乐为迂阔哉道不可以贰也方今大汉洒扫群秽夷险芟荒廓帝纮恢皇纲基隆于羲农规广于黄唐其君天下也炎之如日威之如神涵之如海养之如春是以六合之内莫不同源其流沐浴元德禀仰太和枝附叶着譬犹草木之植山林鸟鱼之毓川泽得气者蕃滋失时者零落参天地而施化岂云人事之厚薄哉今吾子处皇代而论战国曜所闻而疑所覩欲

从整墩而度高乎泰山怀泛滥而测深乎重渊亦未至也宾曰若夫鞅斯之伦衰周之凶人既闻命矣敢问上古之士处身行道辅世成名可述于后者默而已乎主人曰何为其然也昔者咎繇谟虞箕子访周言通帝王谋合神圣殷说梦发于傅岩周望兆动于渭滨齐口激声于康衢汉良受书于邳垠皆俟命而神交匪词言之所信故能建必然之策展无穷之勋也近者陆子优游新语以兴董生下帷发藻儒林刘向司籍辩章旧闻扬雄谭思法言太元皆及时君之门闾究先圣之壶奥婆娑乎术艺之场休息乎篇籍之囿以全其质而发其文用纳乎圣德烈炳乎后人斯非其亚欤若乃伯夷抗行于首阳柳惠降志而辱仕颜潜乐于箪瓢孔终篇于西狩声盈塞于天渊真吾徒之师表也且吾闻之一阴一阳天地之方乃文乃质王道之纲有同有异圣哲之常故曰慎修所志守尔天符委命供己味道之腴神之听之名其舍诸宾又不闻和氏之璧韞于荆石隋侯之珠藏于蚌蛤乎历世莫口不知其将含景曜吐英精旷千载而流光也应龙潜于潢污鱼鼃媒之不睹其能奋灵德合风云超口荒而躐昊苍也故夫泥蟠而天飞者应龙之神也先贱而后贵者和隋之珍也时暗而久章者君子之真也若乃牙旷清耳于管弦离娄眇目于毫分逢蒙绝技于弧矢般输摧巧于斧斤良乐鞅能于相驭乌获抗力于千钧和鹄发精于针石研桑心计于无垠走亦不任口技于彼列故密尔自娱于斯文

达旨

崔駟

或说己曰易称备物致用可观而有所合故能扶阳以出顺阴而入春发其华秋收其实有始有极爰登其质今子韞椟六经服膺道术历世而游高谈有日俯钩深于重渊仰探远乎九乾穷至赜于幽微测潜隐之无源然下不步卿相之庭上不登王公之门进不党以赞己退不黜于庸人独师友道德合符曩真抱景特立与士不群盖高树靡阴独木不林随时之宜道贵从凡于时太上运天德以君世宪王僚而布

官临雍泮以恢儒疏轩冕以崇贤率惇德以厉忠孝扬茂化以砥仁义选利器于良材求镆于明智不以此时攀台阶窥紫闼据高轩望朱阙夫欲千里而咫尺未发蒙窃惑焉故英人乘斯时也犹逸禽之赴深林□蚋之趋大沛胡为默默而久沉滞也答曰有是言乎子苟欲勉我以世路不知其跌而失吾之度也古者阴阳始分天地初制皇纲亡绪帝纪乃设传序历数三代兴灭昔大庭尚矣赫胥罔识淳朴散离人物错乖高辛攸降厥趣各违道无常稽与时张弛失仁为非得义为是君子通变各审所履故士或掩目而渊潜或盥耳而山栖或草耕而仅饱或木茹而长饥或重聘而不来或屡黜而不去或冒询以乾进或望色而斯举或以役夫发梦于王公或以渔父见兆于元龟若夫纷纭塞路凶虐播流人有昏垫之□主有畴咨之忧条垂藟蔓上下相求于是乎贤人授手援世之灾跋涉赴俗急斯时也昔尧含戚而□陶谩高祖叹而子房虑祸不散而曹绛奋结不解而陈平权及其策合道从克乱弭冲乃将镂元珪册显功铭昆吾之冶勒景襄之钟与其有事则褰裳濡足冠挂不顾人溺不拯则非仁也当其无事则躡纓整襟规矩其步德让不修则非忠也是以险则救俗平则守礼举以公心不私其体今圣上之育斯人也朴以皇质雕以唐文六合怡怡比屋为仁壹天下之众异齐品类之万殊参差同量坏冶一陶群生得理庶绩其凝家家有以乐和人人有以自优威械藏而俎豆布六典陈而九刑厝济兹兆庶出于平易之路虽有力牧之略尚父之厉伊□不论奚事范蔡夫广厦成而茂木畅远求存而良马繫阴事终而水宿藏场功毕而大火入方斯之际处士山积学者川流衣裳被宇冠盖云浮譬犹衡阳之林岱阴之麓伐寻抱不为之稀藪拱把不为之数悠悠罔极亦各有得彼采其华我收其实舍之则藏己所学也故进动以道则不辞执珪而秉柱国复静以理则甘糟糠而安藜藿夫君子非不欲仕也耻夸毗以求举非不欲室也恶登



墙而搂处叫呼銜鬻县旌自表非隋和之宝也暴智  
耀世因以乾禄非仲尼之道也游不伦党苟以徇己  
污血竞时利合而友子笑我之沉滞吾亦病子屑屑  
而不已也先人有则而我弗亏行有枉徑而我非随  
臧否在予唯世所议固将因天质之自然诵上哲之  
高训咏太平之清风行天下之至顺惧吾躬之秽德  
勤百亩之不耘繁余马以安行俟性命之所存昔孔  
子起威于夹谷晏婴发勇于崔杼曹刿举节于柯盟  
卞严克捷于强御范蠡错势于会稽伍子胥树功于柏  
举鲁连辩言以退燕包胥单辞而存楚唐且华颠以  
悟秦甘罗童牙而报赵原衰见廉于壶口宣孟收德  
于束脯吴札结信于丘木展季贞于门女颜回明  
仁于度穀程婴显义于赵武仆诚不能编德于数者  
窃慕古人之所序

#### 七辨

张衡

无为先生祖述列仙背世绝俗唯诵道篇形虚年衰  
志犹不迁于是七辨谋焉曰无为先生淹在幽隅藏  
声隐景迹穷居抑其不韪盍往辨诸乃偕而就之  
虚然子曰乐国之都设为闲馆公输制匠诡譎灿烂  
重屋百层连阁周漫应门锵锵华阙双建雕虫彤绿  
螭虹蜿蜒于是弹比翼落鹞黄加双鸱经鸳鸯然后  
棹云舫观中流蹇芙蓉集芳洲纵文身搏潜鳞探水  
玉拔琼根收明月之照耀玩赤瑕之璘璘此宫室之  
丽也子盍归而处之乎

安存子曰淮南清歌燕余材舞列乎前堂递奏代序  
结郑卫之遗风扬流哇而脉激楚鞀鼓协吹竽籥应  
律金石合奏妖冶邀会观者交目衣解忘带于是乐  
中日晚移即昏庭美人妖服变曲为清改赋新词转  
歌流声此音乐之丽也子盍归而听诸

阙丘子曰西施之徒姿容修嫿弱颜固植妍媸闲暇  
形似削成腰如约素淑性窈窕秀色美艳鬓发元髻  
光可以靛辅巧笑清眸流盼皓齿朱唇的皪粲练  
于是红华曼理遗芳酷烈侍夕先生同兹宴衍假明  
兰灯指图观列蝉绵宜愧夭绍纤折此女色之丽也

子盍归而从之

空同子曰交趾緲絺筒中之纒京城阿縞譬之蝉羽  
制为时服以适寒暑駟秀骐之驳骏载軫猎之輶车  
建采虹之长旃系雌霓而为旗逸骇口于青丘超广  
汉而永逝此舆服之丽也子盍归而乘之

雕华子曰元清白醴葡萄醲嘉肴杂醢三鬯七菹  
荔支黄柑寒梨乾榛沙饒石蜜远国储珍于是乃有  
刍豢膾牲麋麕豹胎飞鳧栖鷲养之以时审其齐和  
适其辛酸芳以姜椒拂以桂兰会稽之菇冀野之梁  
珍羞杂沓灼烁芳香此滋味之美也子盍归而食之  
依卫子曰若夫赤松王乔羨门安期嘘吸沆瀣饮醴  
茹芝驾应龙戴行云桴弱水越炎氛览八极度天垠  
上游紫宫下栖昆仑此神仙之丽也子盍行而求之  
先生乃兴而言曰吁美哉吾子之诲穆如清风启乃  
嘉实慰我心矫然倾首邪睨元圃轩臂矫翼将飞  
未举

仿无子曰在我圣皇躬劳至思参天两地匪怠厥司  
率由旧章遵彼前谋正邪理谬靡有所疑旁窥八索  
仰镜三坟讲礼习乐仪则彬彬是以英人底材不赏  
而劝学而不厌诲而不倦于是二八之俦列乎帝庭  
揆事施教地平天成然后建明堂而班辟雍和邦国  
而说远人化明如日下应如神汉虽旧邦其政维新  
而先生乃翻然回面曰君子一言于是观智先民有  
言谈何容易予虽蒙蔽不敏指趣敬受教命敢不务  
诸

应间

有序

附后

前人

有间余者曰盖闻前哲首务务于下学上达佐国理  
民有云为也朝有所闻则夕行之立功立事式昭德  
音是故伊尹思使君为尧舜而民处唐虞彼岂虚言  
而已哉必旌厥素尔咎单巫咸实守王家申伯樊仲  
实乾周邦服袞而朝介圭作瑞厥迹不朽垂烈后昆

不亦丕欤且学非以要利而富贵萃之贵以行令富以施惠惠施令行故易称以大业质以文美实由华兴器赖雕饰为好人以舆服为荣吾子性德体道笃信安仁约己博艺无坚不钻以思世路斯何远矣曩滞日官今又原之虽老氏曲全进道若退然行亦以需必也学非所用术有所仰故临川将济而舟口不存焉徒经思天衢内昭独智固合理民之式也故尝见谤于鄙儒深厉浅揭随时为义曾何贪于支离而习其孤技邪参轮可使自转木雕犹能独飞已垂翅而还故栖盍亦调其机而铄诸昔有文王自求多福人生在勤不索何获曷若卑体屈己美言以相口鸣于乔木乃金声而玉振之用后勋雪前吝倨不柔以意谁靳也应之曰是何观同而见异也君子不患位之不尊而患德之不崇不耻禄之不伙而耻智之不博是故艺可学而行可力也天爵高悬得之在命或不速而自怀或羨旃而不臻求之无益故智者佞而不思陆身以僥幸固贪夫之所为未得而豫丧也枉尺直寻议者讥之盈欲亏志孰云非羞于心有猜则簋口饌舖犹不屑餐旌督以之意之无疑则兼金盈百而不嫌辞孟轲以之士或解短褐而裘黼黻或委垂筑而据文轩者度德拜爵量绩受禄也输力致庸受必有阶浑元初基灵轨未纪吉凶分错人用臃臃黄帝为斯深惨有风后者是焉亮之察三辰于上迹祸福乎下经纬历数然后天步有常则风后之为也当少昊清阳之末实或乱德人神杂扰不可方物重黎又相颛顼而申理之日月即次则重黎之为也人各有能因蓺受任鸟师别名四叔三正官无二业事不并济昼长则宵短日南则景北天且不堪兼况以人该之夫元龙迎夏则凌云而奋鳞乐时也涉冬则渥泥而潜蟠避害也公旦道行故制典礼以尹天下惧教诲之不从有人之不理仲尼不遇故论六经以俟来辟耻一物之不知有事之无范所考不齐如何可一夫战国交争戎车竞驱君若缀旒人无所丽烛武悬缙而秦伯退师鲁连系箭而聊城弛柝从往

则合横来则离安危无常要在说夫咸以得人为梟  
失士为尤故樊哙披帷入见高祖高祖踞洗以对酈  
生当此之会乃鼃鸣而口应也故能同心戮力勤恤  
人隐奄受区夏遂定帝位皆谋臣之由也故一介之  
策各有攸建子长谋之烂然有第夫女魅北而应龙  
翔洪鼎声而军容息溽暑至而鶉火栖寒冰沍而鼃  
鼃蛰今也皇泽宣洽海外混同万方亿丑并质共剂  
若修成之不暇尚何功之可立立事有三言为下列  
下列且不可庶矣奚冀其二哉于兹縉绅如云儒士  
成林及津者风摅失涂者幽僻遭遇难要趋偶为幸  
世易俗异事執舛殊不能通其变而一度以揆之斯  
契船而求剑守株而伺兔也冒愧逞愿必无仁以继  
之有道者所不履也越王勾践事此故厥绪不永捷  
径邪至我不忍以投步乾进苟容我不忍以歛肩虽  
有犀舟劲口犹人涉印否有须者也姑亦奉顺敦笃  
守以忠信得之不休不获不吝不见是而不口居下  
位而不忧允上德之常服焉方将帅天老而友地典  
与之乎高睨而大谈孔甲且不足慕焉称殷彭及周  
聃与世殊技固孤是求子忧朱泚曼之无所用吾恨  
轮扁之无所教也子睹木雕独飞愍我垂翅故栖吾  
感去口附鸱悲尔先笑而后号也斐豹以毙督燔书  
礼至以掖国作铭弦高以牛饩退敌墨翟以蒙带全  
城贯高以端辞显义苏武以秃节效贞蒲且以飞矰  
逞巧詹何以沈钩致精奕秋以口局取誉王豹以清  
讴流声仆进不能参名于二立退又不能群彼数子  
愍三坟之既頽惜八索之不理庶前训之可钻聊朝  
听乎柱史且韞椟而待价踵颜氏以行止曾不嫌夫  
晋楚敢告诚于知己

### 应间序

间者观余去史官五载而复还非进取之势也唯衡  
内识利钝操心不改或不我知者以为矢志矣用为  
间余余应之以时有遇否性命难求因兹以露余诚  
焉名之应间云

九思

王逸

- 36 -

## 逢尤

悲兮愁哀兮忧天生我兮当暗时被逐潜兮虚获尤  
心烦愤兮意无聊严载驾兮出戏游周八极兮历九  
州求轩辕兮索重华世既卓兮远眇眇握佩玖兮中  
路躇蹇兮繇兮建典谟懿风后兮受瑞图愍余命兮  
遭六极委玉质兮于泥涂遽倥偬兮驱林泽步屏营  
兮行丘阿车輶折兮马虺颓惓怅立兮涕滂思丁  
文兮圣明哲哀平差兮迷谬愚吕傅举兮殷周兴忌  
讻专兮郢吴虚仰长叹兮气结悒绝兮活复苏  
虎兕争兮于廷中豺狼斗兮我之隅云雾会兮日冥  
晦飘风起兮扬尘埃走鬯兮作东西欲窜伏兮其  
焉如念灵闺兮奥重深兮愿竭节兮隔无繇望旧邦  
兮路委随忧心悄兮志勤劬魂茕茕兮不遑寐目眩  
眩兮寤终朝

## 怨上

令尹兮警警群司兮譟譟哀哉兮溷溷上下兮同流  
菽藟兮蔓衍芳兮挫枯朱紫兮杂乱曾莫兮别诸  
倚此兮岩兮永思兮窈悠嗟怀兮眩惑用志兮不昭  
将丧兮玉斗遗失兮钮枢我心兮煎熬惟是兮用忧  
集慕兮九旬退顾兮彭务拟斯兮二踪未知兮所投  
谣吟兮中野上察兮璇玑大火兮西睨摄提兮运低  
雷霆兮硠兮雹霰兮霏霏奔电兮光晃凉风兮怆凄  
鸟兽兮惊骇相从兮宿栖鸳鸯兮嗷嗷狐狸兮  
哀吾兮介特独处兮罔依蝼蛄兮鸣东蝻蠹兮号西  
截缘兮我裳蠹入兮我怀虫豸兮夹余惆怅兮自悲  
伫立兮切怛心结縉兮折摧

## 疾世

周徘徊兮汉渚求水神兮灵女嗟此国兮无良谋女  
拙兮諛諛鸚雀列兮啾歡鸕鹚鸣兮聒余抱昭华兮  
宝璋欲銜鬻兮莫收言逝迈兮北徂叫我友兮配耦  
日阴暝兮未光阒霏兮靡睹纷载驱兮高驰将谿  
询兮皇羲遵河皋兮周流路变易兮时乖瀛沧海兮  
东游沐盥浴兮天池访太昊兮道要云靡贵兮仁义  
志欣乐兮反征就周文兮邠岐秉玉英兮结誓日欲

暮兮心悲惟天禄兮不再背我信兮自违逾陇堆兮  
渡漠过桂车兮合黎赴昆山兮騷从卢敖兮栖迟  
吮玉液兮止渴啮芝华兮疗饥居嶮廓兮□畴远梁  
昌兮几迷望江汉兮溲溺心紧豢兮伤怀时拙拙兮  
且旦尘漠漠兮未晞忧不暇兮寝食咤增叹兮如雷  
    悯上

哀世兮碌碌譏譏兮嗑喔众多兮阿媚□靡兮成俗  
贪枉兮党比贞良兮载独鹄窳兮积棘鹯集兮帷幄  
蕝藜兮青□本兮萎落睹斯兮伪惑心为兮隔错  
逡巡兮圃藪率彼兮眈陌川谷兮渊渊山崑兮砢砢  
丛林兮崑崑林榛兮岳岳霜雪兮濯濯冰冻兮洛泽  
东西兮南北罔所兮归薄庇荫兮枯树匍匐兮岩石  
蜷□兮寒局数独处兮志不申年齿尽兮命迫促魁  
累挤摧兮常困辱含忧强老兮愁无乐须发蔓□兮  
顛鬢白思灵泽兮一膏沐怀兰英兮把琼若待天明  
兮立踟躅云蒙蒙兮电倏烁孤鷁惊兮鸣响响思怫  
郁兮肝切剥忿悁悒兮孰诉告

#### 遭厄

悼屈子兮遭厄沈玉躬兮湘汨何楚国兮难化迄于  
今兮不易士莫志兮羔裘竞佞谀兮谗阉阉指正义  
兮为曲訛璧玉兮为石鹞雕游兮华屋駿驷栖兮柴  
蔟起奋迅兮奔走违群小兮譖□载青云兮上升适  
昭明兮所处蹶天衢兮长驱踵九阳兮戏荡越云汉  
兮南济秣余马兮河鼓霄霓纷兮暗翳参辰回兮颠  
倒逢流星兮问路顾指我兮从左徑鬻兮直驰御  
者迷兮失轨遂蹋达兮邪造与日月兮殊道志阨绝  
兮安如哀所求兮不耦攀天阶兮下视见鄢郢兮旧  
宇意逍遥兮欲归众秽盛兮杳杳思哽饴兮诘拙涕  
流澜兮如雨

#### 悼乱

嗟嗟兮悲夫穀乱兮纷拿茅丝兮同冠履兮共絢  
督万兮侍宴周邵兮负□白龙兮见射灵龟兮执拘  
仲尼兮困厄邹衍兮幽囚伊余兮念兹奔遁兮隐居  
将升兮高山上有兮猴猿欲入兮深谷下有兮虺蛇

左见兮鸣鵙右睹兮呼梟惶悸兮失气踊跃兮距跳  
便旋兮中原仰天兮增叹菅蒯兮野莽萑苇兮千眠  
鹿蹊兮獠貉兮蟬蟬鷓鴣兮轩轩鶡兮甄甄  
哀我兮寡独靡有兮匹伦意欲兮沈吟迫日兮黄昏  
元鹤兮高飞增逝兮青冥鸬鹚兮喙喙山鹊兮嚶嚶  
鸿鸕兮振翅归雁兮于征吾志兮觉悟怀我兮圣京  
垂屣兮将起跼口兮须明

### 伤时

惟昊天兮昭灵阳气发兮清明风习习兮和暖百叶  
萌兮华荣萑荼茂兮敷疏蘅芷雕兮莹嫫嫫贞良兮  
遇害将夭折兮碎糜时混混兮浇饕哀当世兮莫知  
览往昔兮俊彦亦诎辱兮系累管束缚兮桎梏百贸易  
兮传卖遭桓缪兮识举才德用兮列施且从容兮  
自慰玩琴书兮游戏迫中国兮迕口吾欲之兮九夷  
超五岭兮嵯峨观浮石兮崔嵬陟丹山兮炎野屯余  
车兮黄支就祝融兮稽疑嘉已行兮无为乃回謁兮  
北游遇神媼兮冥娭欲静居兮自娱心愁戚兮不能  
放余辔兮策驷忽风腾兮云浮跼飞杭兮越海从安  
期兮蓬莱缘天梯兮北上登太一兮玉台使素女兮  
鼓簧乘戈和兮讴谣声嗽詵兮清和音晏衍兮要淫  
咸欣欣兮酣乐余眷眷兮独悲顾章华兮太息志恋  
恋兮依依

### 哀岁

旻天兮清凉元气兮高朗北风兮潦烈叶木兮苍唐  
映兮口口唧蛆兮穰穰岁忽忽兮惟暮余感时兮  
凄怆伤俗兮泥浊蔽兮不章宝彼兮砂砾捐此兮  
夜光椒瑛兮涅污泉耳兮充房摄衣兮缓带操戈兮  
墨阳升车兮命仆将驰兮四荒下堂兮见蚤出门兮  
触口巷有兮蚰蜒邑多兮螿螂睹斯兮嫉贼心为兮  
切伤俯念兮子胥仰怜兮比乾投剑兮脱冕龙屈兮  
蜿蟺潜藏兮山泽匍匐兮丛攢窥见兮溪涧流水兮

### 遇合部艺文三

### 七征

### 晋陆机

元虚子耽性冲素雍容元泊弃时俗而弗徇甘渔钓

于一壑乃有通微大夫怨皇居之失宝伤鸿誓之后  
闻策元黄于榛险凭穴岩而放言通微大夫曰奇膳  
玉食穷滋致丰简牺羽族考牲毛宗俯出沈鲔仰落  
归鸿剖柔胎于孕豹宰潜肝乎豢龙拾朝阳之遗卵  
纳丹穴之飞凰神宰奇稔嘉禾之穗含滋发馨素颖  
玉锐灼若皓雪之颓元云皎若明珠之积缙匱素虬  
踊而灑灑滋芬溢而相徽味虽浓而弗爽气既惠而  
复奇介景福于眉寿裕温克乎齐圣子能飨之乎通  
微大夫曰丰居华殿奇构磊落万宇云覆千楹林错  
仰绥瑰木俯积石敷延袤之广庑矫凌霄之高阁  
秀清晖乎云表腾藻荫之奕奕珍观清榭岳立连行  
云阶飞陛仰陟穹苍耸浮柱而虬立施飞檐以龙翔  
回房旋室缀珠裘玉图画神仙延佑承福悬闼高达  
长廊回属于是登渐台理俊音镜元沚望长林逐狡  
兽弋轻禽览壮艺以悦观聆和乐而怡心子能居之  
乎通微大夫曰金石谐而齐响埙篪协而和鸣于是  
才人进羽钥元弁被藻袭俯紫领以鸿归仰矫首而  
鹤立激长歌于丹唇发铿锵乎柔木合清商以绝节  
挥流征而赴曲奏南荆之高叹咏易水之清角尔乃  
睹蛾眉之群丽容既都而又闲矫纤腰以逐节顿皓  
足于鼓盘舒妍晖以妖韶若陵危之未安通微大夫  
曰盖闻洙北有采唐之思淇上有送予之叹关雎以  
寤寐为戚溱洧以谑浪为欢若夫妖嫫艳女搜群擢  
俊穆藻仪于令表茂当年之柔嫚罄妍规之约绰体  
每变而增闲秀芳蕤其愉愉若余颖之可餐若夫灵  
晷潜祖颜退羽觞升清琴厉因清明以宣诚流微睇  
而授爱纤手挥而鸣佩铿华衿被则芳尘萃子其纳  
之乎通微大夫曰涂有殊而一致业有殊而名约各  
因姿以效绩期寄响于天人也孰与显奇踪于万邦  
抚六轡而高游瞰八字以摅眇齐清风乎诸侯言成  
否泰气作温凉弭侵略于强暴综坠纪乎危邦子岂  
不愿斯之雍容乎通微大夫曰明主应期抚民以德  
配仁风于黄唐齐威灵乎宸极彝伦幸序庶绩咸又  
荡流风于雍俗给天民乎齐泰是以元灵感而表应



嘉神繁而毕觐舞唐庭之来仪鸣岐阳之鸞鷟应天  
监之休命荷神听之介福然圣主达持盈之宝术寤  
经国之在贤各毕荣于分局期赞化于大钧吾子岂  
不欲縻好爵于天宇显列业乎帝臣欽元虚子作而  
言曰甚哉鄙人之惑也犹穷绳自逸于井乾凭河盗  
本于黄川欽至论敷敝衽谨闻命于王孙

演连珠

前人

臣闻应物有方居难则易藏器在身所乏者时是以  
充堂之芳非幽兰所难绕梁之音实萦弦所思  
臣闻智周通塞不为时穷才经夷险不为世屈是以  
凌飙之羽不求反风曜夜之目不思倒日  
臣闻利眼临云不能垂照朗璞蒙垢不能吐晖是以  
明哲之君时有蔽壅之累俊乂之臣屡抱后时之悲  
臣闻因云洒润则芬泽易流乘风载响则音徽自远  
是以德教俟物而济荣名缘时而显  
臣闻绝节高唱非凡耳所悲肆义芳讯非庸听所善  
是以南荆有寡和之歌东野有不释之辨  
臣闻飞轡西顿则离朱与眴收察悬景东秀则夜  
光与砮砮匿曜是以才换世则俱困功偶时而并劭

九愍

陆云

昔屈原放逐而离骚之词兴自今及古文雅之士莫  
不以其情而玩其词而表意焉遂口作者之末而述  
九愍  
裔皇圣之丰祐膺万乘之多福真龙晖以底载启元  
辰而诞育考度中以锡命端嘉令而自肃兰情馥以  
芬香琼怀皎其如玉希千载以遥想昶远思而自怡  
范方地而式矩仪穹天而承规结丹款于璇玑协朱  
诚于四时咨中心之信修佩日月以为旗悲年岁之  
晚暮殉修名而竞心仰勋华之耿晖咏三辟之遐音  
握遗芳而自玩挹浩露于兰林阴云纷以兴霭口风  
起而回波党朋淫以恶美疾倾宫之扬娥树椒兰于  
瑶圃掩夜光于琼华遘贞心以谁忒毁玉质而蒙瑕  
甘莠言而弃予忽遐放其若遗瞻前轨而我先顾后  
乘而驾迟遵荒涂而伏轼抚鸣銮而称悲感瞻乌之

有集嗟离雁之焉归静沉思以自瘁愿凌云而高飞  
修身

逢天怒而离纷遘时咎于惟尘端周诚以恪居祇后  
命而自寅悲逸口之罔极隔离情于参辰岂三锡之  
又晞乃裔予于遐宾运羽棹以涉江浮鄂渚而驾言  
背夏首以窘逝兮溯行川而永叹结风回而薄水兮  
源波萦而重澜情怀眷以迭结舟淹流而中盘昶愁  
心以自迈肃榜人而曾讴诏河冯以清川命湘娥而  
安流济南诏以伫望野萧条而振畴兽悲号以命侣  
鸟狂顾而鸣仇悲我行之悠悠怨同怀之莫求发辰  
阳而往彼缘湘沅而来假亦芳树于县车秣梁苗于  
樊马山嵩高以藏景云掩霭而荒野鸟拊翼于薨颠  
水回波于宇下指明星以脉路景即阴而无旅随长  
川以问津响修声而和予听归音以自闻践无迹以  
穷处虽遘愍之既多亦颠沛其何悔仰众芳之遗情  
希绝风之延伫乱曰有鸟翻飞集江湘兮彼美一人  
莫予将兮念兹涉江怀故乡兮生日何短戚日长兮  
顾我愁景惟永伤兮

### 涉江

原本

阙六字

积沉毒于苦心魂凭虚以飘荡形息

景于重阴虎鸣口以拂谷螭回云而结林操土音以  
怀郢涕频代而盈襟辞终古之旧墟托兹邦而遥集  
望龙门而屡顾攀惟桑而抵泣悲愁心之难状振枯  
形而独立抚雕容之日颓怊炯思而弗及闻先黎之  
达教固积善于遗庆晞明休而受言想介福之保定  
靡心贞以祇服溯大顺而委命君在初之嘉惠每成  
言而永日怨谷风之攸叹弥九龄而未彻愿自献于  
承间悲党人之造膝舒幽情其曷诉卷永怀而淹恤  
嗟哲士之足叹伤邦家之殄瘁痛灵修之匪怀颓九  
成于一篲忘大宝之勿假轻挈瓶之守器仰剪翻于  
凌霄俯归飞于矰罟毁方城于秦川投江汉于泥渭  
悲彼黍之在郢悼宗楚之莫饬抚伤心以哀告将斯

## 情之孰慰

### 悲郢

登高山以遐望念悠处之淹流岂大川之难济悲利涉之莫由申修诚以砥节反内鉴而自求考余心其焉可往稽度于神谋访斯言以卜居想贞龟以告将矫翼而涂险思振清而世浊羌释策而评子谅不疑其何卜朝弹冠以晞发夕振裳而濯足有怀沙以赴渊无抱素而蒙辱愁缠绵以宅心长叹息而饮泪步江潭以仿徨频行吟而含悴遇渔父之戾止兴说言而来憩虽怀芳而握瑜惧轻尘之我秽顾虚景而端形矧同波于俱醉迨伊人之逍遥聊仰叶于林侧怀达心以远寤怡衰颜而表色仰班荆之遗情想嘉讯而良食若有言而未吐忽弃予而凌波挥龙榜以鼓汰遗芬响而清歌俟沧浪之濯纓悲余寿之几何愧褊心之叹渝恨尔谒之莫和捐江鱼之言志营元寝于汨罗苟怀忠而死节岂有生之足嘉

### 行吟

悲怨思之多感情惆怅而远慕世元黄而既渝心居贞而抱素冀斯气之一清要佳人于天路考年载以迟之悲岁律之已暮揽丰草于朝日思先晞于湛露规法圆而天象矩则方于地形祇信顺以自范邀式谷于神听悲登魂之无抗讯贞梦而通灵悔抱道而怀顾悲实蕃之已盈顿椒丘而息驾振初服而翱翔结琼蕤之芳襟袭凌华之藻裳怀瑶林之珍秀握兰野之芳香命巫咸以启期访百神而考祥靖永言以听命钦灵谇而肃迈振华冕之玉藻树象轩之高盖鸾假翼以鸣和霓挥景而萦口芳尘穆以烟熅彤云起而深藹游八极以大观解飞辔以长想将结轨而世狭愿援楫而川广虽我服之方壮思振策其安往舒远怀以弭节褰世罗于天网乱曰猗猗芳草植山阿兮朝日来照发丰华兮秋风萧瑟凝霜加兮倾叶怀春犹俟河兮

### 纾思

遍周流而无过悲穷思之永久听幽荒而罔诏眷寥

廓而无友沉流液于绳枢逝回□于瓮牖呼寂寞而  
靡应揽虚无其何有神悠悠而永念忧绸缪而盈室  
哀恻心而响起时弃予而景逸招逝运其难征仪遗  
范而无律虽芳林之将焚岂兰响之可谧晞馥风于  
旷野思同芬而靡质命险太其靡常道离隆而匪易  
纤幽情而思古援在昔而立辟俟重华以同游悲瑶  
圃之难适舟登陆其焉济轮涉渊而无迹悲荒涂之  
既舛临遵渚而投策欲随波以周流恨匪石之难颓  
将从风而卷舒悲直矢之辞怀贞朗志而玉折厉劲  
心而兰摧喟我怀以寤叹阐前鉴而自融忠与邪其  
莫可岂余命之所穷俯投迹而世洿仰晞志而道隆  
耻蒙垢于同尘思振袂于别风明爽心以毕志考吾  
道以自终

#### 考志

天机偏其挺盖玉衡运而回襄景弥修而日短时愈  
促而夜长和音变而改律乘风革而为商感秋林之  
夙暮悲芳草之中霜存倏忽而风迈逝挥霍而云散  
方轻焱而炯迟比收电而景宴将愉乐以夙兴迢良  
日于昧旦痛予生之不辰逢此世之多难将蔼蔼而  
未扬世浑浑其难澄风颓山以离谷波平渊而为陵  
道旷世而朴散化固滞而物凝恨輶德以莫举悲民  
鲜之孰胜景照明以妙见音振响而摅闻金淬坚以  
示断靡质而效芬罄贞规以殉节反蒙谪于朋群  
咨小心以惴惴悲江草之芸芸乱曰浮云暗霭天明  
息兮矰罗重设凤矫翼兮梧桐逝矣树榛棘兮思我  
芳林喟叹息兮

#### 感逝

哀时命之险薄怀斯类以结忧手拊膺而永叹形顾  
景而长愁生遗年而有尽居静言其何须将轻举以  
远览眇天路而高游结垂云之翠虬驾琬琰之玉輿  
挥采旄以烟指靡华旌而电舒命日月以清天吾将  
游乎九阍命屏翳以夕降式飞廉以朝兴涂蒙雨而  
后清景贞晖而先登陪湘妃于雕辂列汉女以后乘  
琼蛾起而清啸神风穆其来应駉凭云而响骇骖嘘

天而景凌望紫微以振策蹶太阶而遂升飞芝盖之  
翼翼回云车之辘辘朝总辔于扶桑夕饮马于天津  
伐河鼓以解征迄昆仑而凯振轨凌虚而遗迹尘蒙  
□而绝轮岂远游之无乐怀故都而伤情靡龙首以  
还顾转瑶衡而回萦溯凯风以流盼悲旧邦之秽倾  
眷南云以兴悲蒙东雨而涕零凌百川而绝蹈仰濯  
发于峥嵘岂沈瘁之足弭将蝉蜕于长生

征

痛世路之隘狭咏遂古而长悲镜端形于三接照直  
影于太征祇中怀以眷暮岂鉴昧而忘归悼天朝之  
遂晦构贝锦于繁文侈南箕以鼓物藹青阳而播芬  
迹同尘而壤绝景和光而天分俯陨息于紫波仰頽  
叹而崩云折若华以翳日时靡靡而难停餐秋菊以  
却老年冉冉其既盈欲假翼以天飞怨曾飏之我经  
思戢鳞以遁沼悲沈网之在渊有河清而志得挫千  
载之长年挤哀响于頽风寓悲音于绝弦嗟有生之  
必死固逸我以自休彼达人之遗物甘褰裳而赴流  
矧余情之沈毒资有生以速忧悼居世其何戚固形  
存其为尤想百年之促期悲乐少而难多修与短其  
足曷久沉于汨罗投澜漪而负石涉清湘以怀沙  
临恒流而自坠蒙浚壑之隆波接申胥于南江（

阙三

字）

于

阙

二字

鼓层云以手仰接景而登遐

元居释

晋束□

束□闲居门人□侍方下帷深谭隐机而哈含毫散  
藻考撰同异在侧者进而问之曰盖闻道向变通达  
者无穷世乱则救其纷时泰则扶其隆振天维以赞  
百务熙帝载而鼓皇风生则率土乐其存死则宇内  
哀其终是以君子屈已伸道不耻于时上国有不索  
何获之言周易着跃以求进之辞莘老负金铉以陈

烹割之说齐客当康衢而咏白水之诗今先生耽道  
修艺嶷然山峙潜朗通微洽览深识夜兼忘寐之勤  
昼骋钻元之思旷年累稔不堕其志鳞翼成而愈伏  
术业优而不试乃欲阖闾辞价泥蟠深处永戢琳琅  
之耀匿首穷鱼之渚当唐年而慕长沮邦有道而反  
口武识彼迷此愚窃不取若乃士以援登进必待求  
附艺之党横擢则林藪之彦不抽丹墀步繄口之童  
东野遗白颠之叟盍亦因子都而事博陆凭鷁首以  
涉洪流蹈翠云以骇逸龙振光耀以惊沈徒屈蟠  
于坎井眇天路而不游学既种而身困夫何为乎秘  
丘且岁不我与时若奔驷有来无反难得易失先生  
不知盱豫之讖悔迟而忘夫朋盍之义务疾亦岂能  
登海湄而仰东流之水临虞泉而招西归之日徒以  
曲畏为桎儒学自桎囚大道于环堵苦形骸于蓬室  
岂能托身权威凭势假力择栖芳林飞不待翼夕宿  
七娥之房朝享五鼎之食匡三正则太阶平赞五教  
而玉绳直孰若茹藿餐蔬终身以匿哉束子曰居吾  
将导尔以君子之道谕尔以出处之事尔其明受余  
训谨听余志昔元一既启两仪肇立离光夜隐望舒  
昼戢羽族翔林螭赴湿物从性之所安士乐志之  
所执或背丰荣以岩栖或排兰闼而求入在野者龙  
逸在朝者凤集虽其轨迹不同而道无贵贱必安其  
业交而相羨稷契奋庸以宣道巢由洗耳以避禅同  
垂不朽之称俱入贤者之流参名比誉谁劣谁优何  
必贪与二八为群而耻为七人之畴乎且道睽而通  
士不同趣吾窃缀处者之末行未敢闻子之高喻将  
忽蒲轮而不眇夫何权威之云附哉昔周汉中衰时  
难自托福兆既开患端亦作朝游巍峨之宫夕坠崢  
嶸之壑昼笑夜叹晨华暮落忠不足以卫己祸不可  
以预度是士讳登朝而竞赴临薄或毁名自污或不  
食其禄比从政于匣笥之龟譬官者于郊庙之犊公  
孙泣涕而辞相扬雄抗论于赤族今大晋熙隆六合  
宁静蜂虿止毒熊罴辍猛五刑勿用八紘备整主无  
骄肆之怒臣无牝纓之请上下相安率礼从道朝养

触邪之兽庭有指佞之草祸戮可以忠逃宠禄可以顺保且夫进无险惧而惟寂之务者率其性也两可俱是而舍彼趣此者从其志也盖无为可以解天下之纷淡泊可以救国家之急当位者事有所穷陈策者言有不入翟璜不能回西邻之寇平勃不能正如意之立乾木卧而秦师退四皓起而戚姬泣夫如何舍何执何去何就谓山岑之林为芳谷底之莽为臭守分任可唯天所授鸟不假甲于龟鱼不假足于兽何必笑孤竹之贫而求齐景之富耻布衣以肆志宁文裘而拖绣且能约其躬则儋石之口以丰苟肆其欲则海陵之积不足存道德者则匹夫之身可荣忘大伦者则万乘之主犹辱将研六籍以训世守寂泊以镇俗偶郑老于海隅匹严叟于僻蜀且世以太虚为舆元垆为肆神游莫竞之林心存无营之室荣利不扰其觉殷忧不乾其寐捐夸者之所贪收躁务之所弃荆圣籍之荒芜总群言之一至全素履于丘园背纓綉而长逸请子课吾业于千载无听吾言于今日也

抵疑

夏侯湛

当路子有疑夏侯湛者而谓之曰吾闻有其才而不遇者时也有其时而不遇者命也吾子童幼而岐嶷弱冠而着德少而流声长而垂名拔萃始立而登宰相之朝挥翼初仪而受卿尹之举荡典籍之华谈先王之言入闾阖蹶丹墀染彤管吐洪辉乾当世之务触人主之威有效矣而官不过散郎举不过贤良凤栖五期龙蟠六年英耀秃落羽仪摧残而独雍容艺文荡殆儒林志不辍著述之业口不释雅颂之音徒费精而耗力劳神而苦心此术亦已薄矣而终莫之辩宜吾子之陆沈也且以言乎才则吾子优矣以言乎时则子之所与二三公者义则骨肉之固交则明道之观也富于德贵于官其所发明虽叩牛操筑之客佣赁抱关之隶负俗怀讥之士犹将登为大夫显为卿尹于何有宝咳唾之音爱锱珠之力向若垂一鳞回一翼令吾子扳其飞腾之势挂其羽翼之末犹

奋迅于云霄之际腾骧于四极之外今乃金口玉音漠然沉默使吾子栖迟穷巷守此困极心有穷志貌有饥色吝江河之流不以濯舟船之畔惜东壁之光不以寓贫妇之目抑非二三公之蔽贤也实吾子之拙惑也夏侯子曰噫湛也幸有过人必知之矣吾子所以褒饰之大矣斟酌之喻非小丑之所堪也然过承古人之诲抑因子大夫之忝在敝室也敢布其腹心岂能隐几以览其概乎客曰敢祇以听夏侯子曰吾闻先大夫孔圣之言德之不修学之不讲闻义不能徙不善不能改是吾忧也四德具而名位不至者非吾任也是以君子求诸己小人求诸人仆也承门户之业受过庭之训是以得接冠带之末充乎士大夫之列颇窥六经之文览百家之学弱年而入公朝蒙蔽而当显举进不能拔群出萃却不能抗排当世志则乍显乍昧文则乍幽乍蔚知之者则谓之欲逍遥以养生不知之者则谓之欲遑遑以求达此皆未是仆之所匱也仆又闻世有道则士无所执其节黜陟明则下不在量其力是以当举而不辞入朝而酬问仆东野之鄙人顽直之陋生也不识当世之便不达朝廷之情不能依靡容悦出入崎倾逐巧点妍呕喁辩佞随群班之次伏简墨之后当此之时若失水之鱼丧家之狗行不胜衣言不出口安能乾当世之务触人主之威适足以露狂简而增尘垢纵使心有至言言有偏直此委巷之诚非朝廷之欲也今天子以茂德临天下以八方六合为四境海内无虞万国元静九夷之从王化犹洪声之收清响黎苗之乐函夏若游形之招惠景乡曲之徒一介之士曾讽急就习甲子者皆奋笔扬文议制论道出草茅起林藪御青琐入金墉者无日不有充三台之寺盈中书之阁有司不能竟其文当年不能编其籍此执政之所厌闻也若乃群公百辟卿士常伯被朱佩紫耀金带白坐而论道者又充路盈寝黄幄玉阶之内饱其尺牍矣若仆之言皆粪土之说消磨灰烂垢辱招秽适可充卫士之爨盈扫除之器譬犹投盈寸之胶而欲使



江海易色烧一羽之毛而欲令大垆增势若燎原之烟弥天之云嘘之不益其热之不减其气今子见仆入朝蹇对便欲坐望高位吐言数百便谓陵嶒一世何吾子之失评也仆固脂车以须放秣马以待却反耕于枳落归志乎涡濂从容乎农夫优游乎卒岁矣古者天子画土以封群后群后受国以临其邦悬大赏以乐其成列九伐以讨其违兴衰相形安危相倾故在位者以求贤为务受任者以进才为急今也则九州为一家万国为百郡政有常道法有恒训因循而礼乐自定揖让而天下大顺夫道学之贵游闾邑之搢绅皆高门之子世臣之裔弘风长誉推成而进悠悠者皆天下之彦也讽诂训传诗书讲儒墨说元虚仆皆不如也二三公之简仆于凡庸之肆显仆于细猥之中则为功也重矣时而清谈则为亲也周矣且古之君子不知士则不明不安是以居逸而思危对食而肴乾今也则否居位者以善身为静以寡交为慎以弱断为重以怯言为信不知士者无公诽不得士者不私愧彼在位者皆稷契咎益伊吕周召之伦叔豹仲熊之俦稽古则逾黄唐经纬则越虞夏蔑昆吾之功嗤桓文之勋抵管仲蹉跎晏婴远升鼎湖近超太平方将保重嗇神独善其身元白冲虚乞尔养真虽力挟泰山将不举一羽扬波万里将不濯一鳞哆唾成珠玉挥袂出风云岂肯鄙事取才进人此又吾子之失言也子独不闻夫神人乎风饮露不食五谷登太清游山岳靡芝草弄白玉不因而独备无假而自足不与人路同嗜欲不与世务齐荣辱故能入无穷之门享不死之年以此言之何待进贤客曰圣人有言曰邦有道贫且贱焉耻也今子值有道之世当太平之会不攘袂奋气发谋出奇使鸣鹤受和好爵见縻抑乃沈身郎署约志勤卑不亦羸哉且伊尹之乾成汤□戚之连桓公或投己鼎俎或庸身饭牛明废兴之机歌白水之流德入殷王义感齐侯故伊尹起庖厨而登阿衡□戚出车下而阶大夫外无微介内无请谒矫身擢手径躐名位吾

子亦何不慕贤以自厉希古以慷慨乎夏侯子曰呜呼是何言欤富与贵是人之所欲非仆之所恶也夫乾将之剑陆断狗马水截蛟龙而铅刀不能入泥骐驎骅骝之乘一日而致千里而弩蹇不能迈亩百炼之鉴别须眉之数而壁土不见泰山鸿鹄一举横四海之区出青云之外而尺鷃不陵桑榆此利钝之较优劣之决也夫欲进其身者不过千万乘而仆已上朝堂答世问不过显所知而仆已竭心思尽才学意无雅正可准论无片言可采是以顿于鄙劣而莫之能起也以此言之仆何为其不自衒哉子不嫌仆德之不劭而疑其位之不到是犹反镜而索照登木而下钓仆未以此为不肖也若乃伊尹负鼎以乾汤吕尚隐游以僂文傅说操筑以寤主口戚击角以要君此非仆所能也庄周骀荡以放言君平卖卜以自贤接舆阳狂以蔽身梅福弃家以求仙又非仆之所安也若乃季札抗节于延陵扬雄覃思于太元伯玉和柔于仕怀柳惠三黜于士官仆虽不敏窃颇仿佛其清尘

元守论

皇甫谧

或谓谧曰富贵人之所欲贫贱人之所恶何故委形待于穷而不变乎且道之所贵者理世也人之所美者及时也先生年迈齿变饥寒不赡转死沟壑其谁知乎谧曰人之所至惜者命也道之所必全者形也性形所不可犯者疾病也若扰全道以损性命安得去贫贱存所欲哉吾闻食人之禄者怀人之忧形强犹不堪况吾之弱疾乎且贫者士之常贱者道之实处常得实没齿不忧孰与富贵扰神耗精者乎又生为人所不知死为人所不惜至矣暗聋之徒天下之有道者也夫一人死而天下号者以为损也一人生而四海笑者以为益也然则号笑非益死损生也是以至道不损至德不益何哉体足也如回天下之念以追损生之福运四海之心以广非益之病岂道德之至乎夫唯无损则至坚矣夫唯无益则至厚矣坚故终不损厚故终不薄苟能体坚厚之实居不薄之

真立乎损益之外游乎形骸之表则我道全矣

释劝论

前人

魏郡召上计掾举孝廉景元初相国辟皆不行其后乡亲劝令应命谧为释劝论以通志焉其辞曰相国晋王辟余等三十七人及泰始登禅同命之士莫不毕至皆拜骑都尉或锡爵关内侯进奉朝请礼如侍臣唯余疾困不及国宠宗人父兄及我寮类咸以为天下大庆万民赖之虽未成礼不宜安寝纵其疾笃犹当致身余唯古今明王之制事无巨细断之以情实力不堪岂慢也哉乃伏枕而叹曰夫进者身之荣也退者命之实也设余不疾执高箕山尚当容之况余实笃故尧舜之世士或收迹林泽或过门不敢入咎繇之徒两遂其愿者遇时也故朝贵致功之臣野美全志之士彼独何人哉今圣帝龙兴配名前哲仁道不远斯亦然乎客或以常言见逼或以逆世为虑余谓上有宽明之主必有听意之人天网恢恢至否一也何尤于出处哉遂究宾主之论以解难者名曰释劝

客曰盖闻天以悬象致明地以含通吐灵故黄钟次序律吕分形是以春华发萼夏繁其实秋风逐暑冬冰乃结人道以之应机乃发三材连利明若符契故士或同升于唐朝或先觉于有莘或通梦以感主或释钓于渭滨或叩角以乾齐或解褐以相秦或冒谤以安郑或乘驷以救屯或班荆以求友或借术于黄神故能电飞景拔超次迈伦腾高声以奋远抗宇宙之清音由此观之进德贵乎及时何故屈此而不伸今子以英茂之才游精于六艺之府散意于众妙之门者有年矣既遭皇禅之朝又投禄利之际委圣明之主遇知己之会时清道真可以冲迈此真吾生濯发云汉鸿渐之秋也韬光逐藪含章未耀龙潜九泉然执高弃通道之远守介人之局操无乃乖于

道之趣乎且吾闻招摇昏回则天位正五教班叙则人理定如今王命切至委虑有司上招连主之累下致骇众之疑达者贵同何必独异群贤可从何必守

意方今同命并臻饥不待口振藻皇涂咸秩天官子  
独栖迟衡门放形世表逊遁丘园不睨华好惠不加  
人行不合道身婴大疾性命难保若其羲和促轡大  
火西颓临川恨晚将复何阶夫贵阴贱璧圣所约也  
颠倒衣裳明所箴也子其鉴先哲之洪范副圣朝之  
虚心冲灵翼于云路浴天池以濯鳞排阊阖步玉岑  
登紫闼侍北辰翻然景耀杂沓英尘辅唐虞之主化  
尧舜之人宣刑措之政配殷周之臣铭功景钟参叙  
彝伦存则鼎食亡为贵臣不亦茂哉而忽金白之辉  
曜忘青紫之班麟辞容服之光粲抱弊褐之终年无  
乃勤乎主人笑而应之曰吁若宾可谓习外观之晖  
晖未睹幽人之仿口也见俗人之不容未喻圣皇之  
兼爱也循方圆于规矩未知大形之无外也故曰天  
元而清地静而宁含罗万类旁薄群生寄身圣世托  
道之灵若夫春以阳散冬以阴凝泰液含光元气混  
蒸众品仰化诞制殊征故进者享天禄处者安丘陵  
是以寒暑相推四宿代中阴阳不治运化无穷自然  
分定两克厥中二物俱灵是谓大同彼此无怨是谓  
至通若乃衰周之末贵诈贱诚牵于权力以利要荣  
故苏子出而六主合张仪入而横势成廉颇存而赵  
重乐毅去而燕轻公叔没而魏败孙臆刖而齐宁蠡  
种亲而越霸屈子疏而楚倾是以君无常籍臣无定  
名损义放诚一虚一盈故冯以弹剑感主女有反赐  
之说项奋拔山之力蒯陈鼎足之势东郭劫于田荣  
颜阖耻于见逼斯皆弃礼丧真苟荣朝夕之急者也  
岂道化之本欤若乃圣帝之创化也参德乎二皇齐  
风乎虞夏欲温温而和畅不欲察察而明切也欲混  
混若源流不欲荡荡而名发也欲索索而条解不欲  
契契而绳结也欲茫茫而无垠不欲区区而分别也  
欲暗然而内章不欲示白若冰雪也欲醇醇而任德  
不欲琐琐而执法也是以见机者以动成好遁者无  
所迫故曰一明一昧得道之概一弛一张合体之方  
一浮一沈兼得其真故上有劳谦之爻下有不自  
臣朝有聘贤之礼野有遁窜之人是以支伯以幽疾

拒唐李老寄迹于西邻颜氏安陋以成名原思娱道于至贫荣期以三乐感尼父黔娄定谥于布衾乾木偃息以存魏荆莱志迈于江岑君平因著以道着四皓潜德于洛滨郑真躬耕以致誉幼安发令乎今人皆持难夺之节执不回之意遭拔俗之主全彼人之志故有独定之计者不借谋于众人守不动之安者不假虑于群宾故能弃外亲之华通内道之真去显显之明路入昧昧之埃尘宛转万情之形表排托虚寂以寄身居无事之宅交释利之人轻若鸿毛重若泥沈损之不得测之愈深真吾徒之师表余迫疾而不能及者也子议吾失宿而骇众吾亦怪子较论而不折中也夫才不周用众所斥也寝疾弥年朝所弃也是以胥克之废丘明列焉伯牛有疾孔子斯叹若黄帝创制于九经岐伯剖腹以蠲肠扁鹊造虢而尸起文挚徇命于齐王医和显术于秦晋仓公发秘于汉皇华佗存精于独识仲景垂妙于定方徒恨生不逢乎若人故乞命诉乎明王求绝编于天篆亮我躬之辛苦冀微诚之降霜故俟罪而穷处

客傲

郭璞

客傲郭生曰玉以兼城为宝士以知名为贤明月不妄映兰葩岂虚鲜今足下既以拔文秀于荟荫弱根于庆云凌扶摇而竦翮挥清澜以濯鳞而响不彻于九皋价不登乎千金傲岸荣悴之际颡颥龙鱼之间进不为谐隐退不为放言无沈冥之韵而希风乎严光徒费思于钻口摹洞林乎连山尚何名乎夫攀骊龙之口抚翠禽之毛者而不得绝霞肆跨天津者未之前闻也郭生粲然而笑曰鷦鷯不可与论云翼井蛙难与量海螯虽然将祛子之惑讯以未悟其可乎乃者地维中绝乾光坠采皇运暂回廓祚淮海龙德时乘群才云骇藹若邓林之会逸翰烂若溟海之纳奔涛不烦咨嗟之访不假蒲帛之招羈九有之奇骏咸总之于一朝岂惟丰沛之英南阳之豪昆吾挺锋驩驩轩髦杞梓竞敷兰蕙争翹嚶声冠于伐木援类繁乎拔茅是以水无浪士岩无幽人刈兰不暇爨

桂不给安得错薪乎且夫窟泉之潜不思云翬熙冰之采不羨旭晞浑光曜于埃藹者亦曷愿沧浪之深秋阳之映乎登降纷于九五沦涌悬乎龙津蚓蛾以不才陆槁蟒蛇以腾鹜暴鳞连城之宝藏于褐里三秀虽艳靡于丽采香恶乎芬贾恶乎在是以不尘不冥不骊不骞不骞支离其神萧悴其形形废则神王迹粗而名生体全者为牺至独者不孤傲俗者不得以自得默觉者不足以涉无故不恢心而形遗不外累而智丧无岩穴而冥寂无江湖而放浪元悟不以应机洞不以昭旷不物物我我不是是非非忘意非我得意非我怀寄群籟乎无象域万殊于一归不寿殇子不夭彭涓不壮秋毫不小太山蚊虻与天地齐流蜉蝣与大椿齿年然一阖一开两仪之迹一冲一溢悬象之节涣沍期于寒暑雕蔚要乎春秋青阳之翠秀龙豹之委口骏狼之长晖元陆之短景故皋壤为悲欣之府蝴蝶为物化之器矣夫欣黎黄之音者不颺蟋蟀之吟豁云台之观者必闕带索之欢纵蹈而咏采芡拥壁而叹抱关战机心以外物不能得意于一弦悟往复于嗟叹安可与言乐天者乎若乃庄周偃蹇于漆园老莱婆娑于林窟严平澄漠于尘肆梅贞隐沦乎市卒梁生吟啸而矫迹焦先混沌而槁机阮公昏酣而卖傲翟叟遁形以倏忽吾不能几韵于数贤故寂然玩此员策与智骨

对儒

曹毗

或问曹子曰夫宝以含珍为贵士以藏器为峻麟以绝迹标奇松以负霜称隽是以兰生幽涧玉辉千仞故子州浮沧澜而龙蟠吴季忽万乘以解印虞公潜崇岩以颐神梁生适南越以保慎故能全真养和夷迹洞庭陵冬扬芳披雪独振也今子少晞冥风弱挺秀容奇发幼龄翰披儒童吐辞则藻落扬班抗心则志拟高鸿味道则理贯庄肆研妙则口夺豪锋故以腾广莫而萋萋排素薄而青口者矣何必以刑理为己任申韩为宏通既登东观染史笔又据太学理儒功曾无元韵淡泊逸气虚洞养采幽翳晦明蒙笼不

追林栖之迹不希抱鳞之龙不营练真之术不慕内  
听之聪而处泛位以核物扇尘教以自蒙负盐车以  
显能饰一己以求恭退不居漆园之场出不躐曾城  
之冲游不践绰约之室赳不希駉駉之踪徒以区区  
之怀而整名目之典覆篔之量而塞北川之洪检名  
实于俄顷之间定得失乎一管之锋子若谓我果是  
耶则是不必以合俗子若云俗果非耶则俗非不可  
以苟从俗我纷以交争利害浑而弥重何异执朽轡  
以御逸驷承劲风以握秋蓬役恬性以充劳府对群  
物以耦怨讎者乎子不闻乎终军之口贾生之才拔  
奇山东玉映汉台可谓响播六合声骇婴孩而见毁  
绛灌之口身离狼狽之灾由此言之名为实宾福萌  
祸胎朝敷荣华夕归尘埃未若澄虚心于元圃荫瑶  
林于蓬莱绝世事而隼黄绮鼓沧川而浪龙颯者矣  
蒙窃惑焉主人焕耳而笑欣然而言白夫两仪既辟  
阴阳汗浩五才迭用化生纷扰万类芸芸孰测其兆  
故不登闾风安以瞻殊目之形不步景宿何以观恢  
廓之表是以迷粗者循一往之智狷介者守一方之  
矫岂知火林之蔚炎柯冰津之擢阳草故大人达观  
任化昏晓出不极劳处不巢皓在儒亦儒在道亦道  
运屈则纾其清晖时申则散其龙藻此盖员动之用  
舍非寻常之所宝也今三明互照二气载宣元教夕  
凝朗风晨鲜道以才畅化随理全故五典口明于百  
揆虞音齐响于五弦安期解褐于秀林渔父罢钓于  
长川如斯则化无不容道无不延风澄于俗波清于  
川方将舞黄虬于庆云招仪凤于灵山流玉醴于华  
闕秀朱草于庭前何有违理之患累真之嫌子徒知  
辨其说而未测其源明朝菌不可逾晦朔螭蛄无以  
观大年固非管翰之所述聊敬对以终篇

释时论

王沉

东野丈人观时以居隐耕污口之墟有冰氏之子者  
出自沍寒之谷过而问涂丈人曰子奚自曰自溷阴  
之乡奚适曰欲适煌煌之堂丈人曰入煌煌之堂者  
必有赫赫之光今子困于寒而欲求诸热无得热之

方冰子瞿然曰胡为其然也丈人曰融融者皆趋热之士其得炉冶之门者惟挟炭之子苟非斯人不如其已冰子曰吾闻宗庙之器不要华林之木四门之宾何必冠盖之族前贤有解韦索而佩朱戟舍徒担而乘丹毂由此言之何恤而无禄惟先生告我涂之速也丈人曰呜呼子闻得之若是不知时之在彼吾将释子夫道有安危时有险易才有所应行有所适英奇奋于纵横之世贤智显于霸王之初当厄难则骋权谄以良图值制作则展儒道以畅摅是则袞龙出于缁褐卿相起于匹夫故有朝贱而夕贵先卷而后舒当斯时也岂计门资之高卑论势位之轻重乎今则不然上圣下明时隆道宁群后逸豫晏安守平百辟君子奕世相生公门有公卿门有卿指秃腐骨不简蚩犴多士丰于贵族爵命不出闺庭四门穆穆绮襦是盈仍叔之子皆为老成贱有常辱贵有常荣肉食继踵于华屋疏食袭迹于耨耕谈名位者以谄媚附势举高誉者因资而随形至乃空器者以泓噌为雅量璫慧者以浅利为枪枪胸胎者以无检为弘旷倭垢者以守意为坚贞嘲哮者以粗发为高亮韞

遇合部纪事

淮南子道应训墨者有田鸠者欲见秦惠王约车申辕留于秦周年不得见客有言之楚王者往见楚王楚王甚悦之予以节使于秦至因见予之将军之节惠王见而说之出舍喟然而叹告从者曰吾留秦三年不得见不识道之可以从楚也物故有近之而远远之而近者

汉书金日磾传日磾与母阏氏弟伦俱没入官输黄门养马时年十四矣久之武帝游宴见马后宫满侧日磾等数十人牵马过殿下莫不窃视至日磾独不敢日磾长八尺二寸容貌甚严马又肥好上异而问之具以本状对上奇焉即日赐汤沐衣冠拜为马监迁侍中驸马都尉光禄大夫

晋书华谭传太康中刺史嵇绍举谭秀才将行别驾陈总钱之因问曰思贤之主以求才为务进取之士



以功名为先何仲舒不仕武帝之朝贾谊失分汉文之时此吴晋之滞论可辨此理而后别谭曰夫圣人在上物无不理百揆之职非贤不居故山林无匿景衡门不栖迟至承统之王或是中才或复凡人居圣人之器处兆庶之上是以其教日颓风俗渐弊又中才之君所资者偏物以类感必于其党党言虽非彼以为是以所授有颜冉之贤所用有廊庙之器居官者日冀元凯之功在上者日庶尧舜之义彼岂知其政渐毁哉朝虽有求贤之名而无知才之实言虽当彼以为诬策虽奇彼以为妄诬则毁己之言入妄则不忠之责生岂故为哉浅明不见深理近才不睹远体也是以言不用计不施恐死亡之不暇何论功名之立哉故上官昵而屈原放宰嚭宠而伍员戮岂不哀哉若仲舒抑于孝武贾谊失于汉文盖复是其轻者耳故白起有云非得贤之难用之难非用之难信之难得贤而不能用用而不能信功业岂可得而成哉

世说刘道真少时常渔草泽善歌啸闻者莫不留连有一老妪识其非常人甚乐其歌啸乃杀豚进之道真食豚尽了不谢妪见不饱又进一豚食半余半乃还之后为吏部郎妪儿为小令史道真超用之不知所由问母母告之于是赍牛酒诣道真道真曰去去无可复用相报

梁书范云传初云与高祖遇于齐竟陵王子良邸又尝接里闰高祖深器之及义兵至京邑云时在城内东昏既诛侍中张稷使云衔命出城高祖因留之便参帷幄天监元年高祖受禅以佐命功封霄城县侯云以旧恩见拔超居佐命尽诚翊亮知无不为高祖亦推心任之所奏多允

唐书马周传周至长安舍中郎将常何家贞观五年诏百官言得失何武人不涉学周为条二十余事皆当世所切太宗怪问何何曰此非臣所能家客马周教臣言之客忠孝人也帝即召之周未至道使者四辈敦趣及谒见与语帝大悦诏直门下省拜监察御

史

御史台记唐辛郁旧名太公弱冠遭太宗于行所问何人曰辛太公太宗曰何如旧太公郁曰旧太公八十始遇文王今臣年适十八已遇陛下过之远矣太宗悦命值中书

唐书王琚传琚怀州河内人少孤敏悟有才略明天文象纬以从父隐客尝为凤合侍郎故数与贵近交时年甫冠见驸马都尉王同皎同皎器之会谋刺武三思琚义其为即与周璟张仲之等共计事泄亡命自佣于扬州富商家识非庸人以女嫁之厚给以贄琚亦赖以济睿宗立琚自言本末主人厚赉使还长安元宗为太子间游猎韦杜间怠休树下琚以儒服见且请过家太子许之至所庐乃萧然窳陋坐久杀牛进酒殊丰厚太子骇异自是每到韦杜辄止其庐初太子在潞州襄城张暉为铜鞮令性豪殖喜宾客弋猎事厚奉太子数集其家山东倡人赵元礼有女善歌舞得幸太子止暉第其后生子瑛者也太子已平内难召暉拜宫门郎与姜皎崔涤李令问王守一薛伯阳等并侍左右令问累擢殿中少监守一太仆少卿此数人以东宫皆势重天下琚是时方补诸暨县主簿过谢东宫至廷中徐行高视侍卫呵止曰太子在琚怒曰在外惟闻太平公主不闻有太子太子本有功于社稷孝于君亲安得此声太子遽召见琚曰韦氏躬行杀逆天下动摇人思李氏故殿下取之易也今天下已定太平专思立功左右大臣多为其用天子以元妹能忍其过臣窃为殿下寒心太子命坐且泣曰计将安便琚曰昔汉盖主供养昭帝其后与上官桀谋杀霍光不及天子而帝犹以大义去之今太子功定天下公主乃敢妄图大臣树党有废立意太子诚召张说刘幽求郭元振等计之忧可纾也太子曰先生何以自隐而日与寡人游琚曰臣善丹沙且工谐隐愿比优人太子喜恨相知晚翌日授詹事府司直内供奉兼崇文学士日以诸王及姜皎等入侍独琚常豫秘谋不逾月迁太子舍人兼谏议大

夫太子受内禅擢中书侍郎公主谋益甚幽求暉谋先事诛之侍御史邓光宾漏谋不克皆得罪久之琚见事迫请帝决策先天二年七月乃与岐王薛王姜皎李令问王毛仲王守一以铁骑至承天门太上皇闻外哗噪召郭元振升承天楼闭关以拒俄而侍御史任知古召募数百人于朝堂不得入少选琚从帝至楼下诛萧至忠岑羲窦怀贞斩常元楷李慈北阙下贾膺福李于内客省事平琚进户部尚书封赵国公皎工部尚书楚国公毛仲辅国大将军霍国公守一太常卿晋国公各食实户五百令问殿中监宋国公实户三百琚皎令问辞不就以旧官增户二百于是帝召燕内殿赐金银杂皿皆一口帛二千第一区帝于琚眷委特异豫大政事时号内宰相

北梦琐言唐襄阳孟浩然与李太白交游元宗征李入翰林孟以故人之分与有弹冠之望久无消息乃入京谒之一日元宗召李入对因从容说及孟浩然李奏曰臣故人也见在臣私第上令急召赐对俾口进佳句孟浩然诵诗曰北阙休上书南山归弊庐不才明主弃多病故人疏上意不悦乃曰未曾见浩然进书朝廷退黜何不云气蒸云梦泽波动岳阳城缘是不降恩泽终于布衣而已宣宗索赵嘏诗其卷首有题秦皇诗其略云徒知六国随斤斧莫有群儒定是非上不悦

东观奏记敕乡贡进士温庭筠早随计吏夙著雄名徒负不羁之才罕有适时之用放骚人于湘浦移贾谊于长沙尚有前席之期未爽抽毫之思可随州隋县尉舍人裴坦之词也庭筠字飞卿彦博之裔孙也词赋诗篇冠绝一时与李商隐齐名时号温李连举进士竟不中第至是谪为九品吏进士纪唐夫叹庭筠之冤赠之诗曰凤凰诏下虽承命鹦鹉才高却累身人多讽诵上明主也而庭筠反以才废制中自引骚人长沙之事君子讥之前一年商隐以盐铁推官死商隐字义山文学宏博笈表尤着于人间自开成二年升进士第至上十二年竟不升于王廷而庭筠

亦恹恹不涉第岂以文学为极致已靳于此遂于禄位有所爱耶不可得而问矣

北梦琐言唐陕州廉使卢沆在举场甚有时称曾于济水逆旅遇宣宗皇帝微行意其贵人敛身回避帝揖与相见沆乃自称进士卢沆帝请诗卷袖之乘骡而去他日对大臣语及卢沆令主事擢第沆不自安恐僭冒之辱宰臣问沆与主上有何阶缘沆乃具陈因由时亦不讶以其文章非叨忝也沆后自廉察入朝知举遇黄寇犯阙不及终场赵崇大夫戏之曰出腹不生养主司也初卢家未尝知举卢相携耻之故拔沆为主文竟不果贾岛遇宣宗微行问秀才名对曰贾岛帝曰久闻诗名岛曰何以知之后言于宰臣与平曾相次谪授长沙尉所谓不识贵人也

舒溥者万州人粗解书记事前恩州刺史李希元往广州谒嗣薛王归装甚丰于时蜀兵部毛文晏侍郎宣徽宋光葆开封府前陵州王洪使君皆未宦达舒子窃资而奉之尔后三人继登显秩而恃此阶缘多行无礼于恩牧因笞而遣之始依陵州王洪奏授并研令寻为王公所鄙次依宋开封亦以不恭见弃转荐于嘉牧顾珣珣承奉贵近误奏为团练判官赐绯转员外郎未久失意复疏之俾其入贡仍假一表希除畿邑实要斥远之邸吏知意表竟不行淹留经年乃经堂陈状只望本分入贡之恩泽时相因依莫测本末优与拟议转检校工部郎中所谓三斥三遇也愚尝览吴武陵为李吉甫相所口致及第因类而附之

五代史敬翔传翔字子振同州冯翊人也自言唐平阳王暉之后少好学工书檄乾符中举进士不中乃客大梁翔同里人王发为汴州观察支使遂往依焉久之发无所荐引翔客益窘为人作笺刺传之军中太祖素不知书翔所作皆俚俗语太祖爱之谓发曰闻君有故人可与俱来翔见太祖太祖问曰闻子读春秋春秋所记何等事翔曰诸侯争战之事耳太祖曰其用兵之法可以为吾用乎翔曰兵者应变出奇

以取胜春秋古法不可用于今太祖大喜补以军职非其所好乃以为馆驿巡官太祖与蔡人战汴郊翔时时为太祖谋画多中太祖欣然以为得翔之晚动静辄以问之

洛阳旧闻记梁祖之初兼四镇也英烈刚狠视之若乳虎左右小忤其旨立杀之梁之职史每日先与家人辞诀而入归必相贺宾客对之不寒而栗进士杜荀鹤以所业投之且乞一见掌客以事闻于梁祖默无所报荀鹤住大梁数月先是凡有求谒梁祖如己通姓名而不得见者虽逾年困蹶于逆旅中寒饿殊甚主者留之不令私去不尔即公人辈及祸矣荀鹤逐日诣客次一日梁祖在便厅谓左右曰杜荀鹤何在左右以现在客次为对未见间有驰骑者至梁祖见之至巳午间方退梁祖遽起归宅荀鹤谓掌客曰某饥甚告欲归公人辈为设食且曰乞命若大王出要见秀才言已归馆舍即某等求死不暇至未申间梁祖果出复坐于便厅令取盆骰子来既至梁祖掷数十掷意似有所卜掷且久终不愜旨怒甚屡顾左右怖惧缩颈重足若蹈汤火须臾梁祖取骰子在手大叫曰杜荀鹤遂掷之视之六只俱赤乃连声命屈秀才荀鹤为主客者引入令趋骤至阶陛下梁祖言曰秀才不合趋阶荀鹤声喏恐惧流汗在背叙谢讫命坐荀鹤惨悴战栗神不主体梁祖徐曰知秀才久矣荀鹤欲降阶拜谢梁祖曰不可于是再拜复坐梁祖顾视阶下谓左右曰似有雨点下令视之实雨也然仰首视之天无片云雨点甚大沾阶檐有声梁祖自起熟视之复坐谓杜曰秀才曾见无云而雨否荀鹤答言未曾见梁祖笑曰昔所谓无云而雨谓之天泣不知是何祥也又大笑命左右将纸笔来请秀才题一篇无云雨诗杜始对梁祖坐身如在燃炭之上忧悸殊甚复令赋诗不敢辞立成一绝献之梁祖览之大喜立召宾席共饮极欢而散且曰来日特为秀才开一筵复拜谢而退杜绝句云同是乾坤事不同雨丝飞洒日轮中若教阴朗都相似争表梁王造化

功由是大获见赏杜既归惊惶成疾水泻数十度气貌羸绝几不能起客司守之供侍汤药若事慈父母明晨再有主客者督之且曰大王欲见秀才请速上马不获已巾带上马比至凡促召者五七辈杜困顿无力趋进迟缓梁祖自起大声曰杜秀才争表梁王造化功杜顿忘其病趋走如飞连拜叙谢数四自是梁祖特设帐宾馆赐之衣服钱物待之甚厚福建人徐夔下第献过梁郊赋梁祖览而器重之且曰古人酬文士有一字千金之语军督费用且多今一字奉绢一匹留于宾馆厚礼待之

南唐书刘洞传洞庐陵人隐居庐山二十年能诗长于五字唐律自言得贾岛法后主嗣位尤属意诗文或以洞言者洞遂献诗百篇卷首石城篇其词石城古波头一望思悠悠几许六朝事不禁江水流后主读之感怆不怡者久之因弃不复观洞亦不复见省金陵受围洞犹在城中国亡洞过故宫阙徘徊赋诗多感慨悲伤不以不遇故有怨怼语

东轩笔录太祖幸西都肆赦张文定公齐贤时以布衣献策太祖召至便坐令面陈其事文定以手画地条陈十策内四说称旨文定坚执其六说皆善太祖怒令武士拽出及车驾还京语太宗曰我幸西都唯得一张齐贤耳我不欲爵之以官异时汝可收之使辅汝为相也至太宗初即位放进士榜欲置子高等而有司偶失抡选置三甲之末太宗不悦及注官有旨一榜尽与京官通判文定释褐将作监丞通判衡州十年果为相

石林燕语太宗时陈文忠公廷试第一曾会第二皆除光禄寺丞直史馆会继迁殿中丞知宣州赐绯衣银鱼前无此比也治平初彭器资谅暗榜亦为进士第一乃连三任职官十年而后始改太子中允盖器资未尝求于当路代还多自赴吏部铨然卒以是知名仕宦淹速信不足较也

春渚纪闻先友郭照为京东宪日尝为先生言其曾大父中令公贲初为布衣时肄业京师皇建院一日

方与僧对奕外传南衙大王至以太宗龙潜日尝判开封府故有南衙之称忘收棋局太宗从容问所与棋者僧以郭对太宗命召至郭不敢隐即前拜谒太宗见郭进趋详雅襟度朴远属意再三因询其行卷适有诗轴在案间即取以跪呈首篇有观草书诗云高低草木芳争发多少龙蛇眼未开太宗大加称赏盖有合圣意者即载以后乘归府第命章圣出拜之不阅月而太宗登极遂以随龙恩命官尔后眷遇益隆不十数年位登公辅盖与孟襄阳贾长沙不侔矣湘山野录王尚书拱辰长安上事日理掾撰乐词有人间合作大丞相天下犹呼小状元之句又梅龙图摯余杭上事日一曹僚撰头盏曲有黄阁方开鼎和羹正待梅之句二吏因受知蒙二公荐擢不数年并升于台阁

玉照新志韩子苍驹本蜀人父为峡州夷陵令老矣有一妾子苍不能奉之父怒逐出内侍贾祥先坐罪窜是郡驹父事祥甚谨祥不能忘子苍父逐之后走京师祥已收召大用事子苍往投之祥不知其得罪于其父也献其所业偶裕陵忽问迁谪中有何人材祥即出子苍诗文以进首篇太乙真人之句上览奇之即批出赐进士及第除秘书省正字不数年遂掌外制

江纬字彦文三衢人元符中为太学生徽宗登极应诏上书陈大中至正之道言颇剴切上大喜召对称旨赐进士及第除太学正自此声名籍甚陆农师为左丞以其子妻之政和末为太常少卿蒙上之知将有礼箴之命时陆氏已亡再娶钱氏秦鲁大主女也偶因对扬奏毕上忽问云闻卿近纳钱景臻女为室亦好亲情言讫微笑是晚批出改除宗正少卿彦文知非美意即丐外出知处州由是遂摈不复用

元符末巨公为太学博士轮对建言比因行事太庙冠冕皆前俯后仰不合古制诏行下太常寺中奏云自来前仰后俯必是本官行礼之时倒戴之误哲宗顾宰臣笑曰如此岂可作学官可与一闲散去处改

端王府记室参军未几端邸龙飞风云感会至登宰席宠禄光大震耀一时祸福倚伏有如此者

宋史蔡攸传攸字君安京长子也元符中监在京裁造院徽宗时为端王每退朝攸适趋局遇诸涂必下马拱立王问左右知为蔡承旨子心善之及即位记其人遂有宠

挥麈后录高俅者本东坡先生小史笔札颇工东坡自翰苑出帅中山留以予曾文肃文肃以史令已多辞之东坡以属王晋卿元符末晋卿为枢密都承旨时佑陵为端王在潜邸日已自好文故与晋卿善在殿庐待班解后王云今日偶忘记带篋刀子来欲假以掠鬓可乎晋卿从腰间取之王云此样甚新可爱晋卿言近创造一副一犹未用少刻当以驰内至晚遣俅往值王在园中蹴鞠俅候报之际睥睨不已

王呼来前询曰汝亦解此技耶俅曰能之漫令对蹴遂愜王之意大喜呼隶辈云可往传语都尉既谢篋刀之贶并所送人皆辍留矣由是日见亲信逾月王登宝位上优宠之眷渥甚厚不次迁拜其侪类援以祈恩上云汝曹争如彼好脚迹邪数年间建节循至使相遍历三衙者二十年领殿前司职事自俅始也父敦复复为节度使兄伸自言业进士直赴殿试后登八座子侄皆为郎恩幸无比极其富贵

玉照新志李汉老邠少年日作汉宫春词脍炙人口所谓问玉堂何似茅舍疏篱者是也正和间自书省丁忧归山东服终造朝举国无与立谈者方怅怅无计时王黼为宰相忽遣人招至东阁开宴延之上坐出其家姬数十人皆绝色也汉老惘然莫晓酒中群唱是词以侑觞汉老私切自欣除目可无虑矣甚大醉而归又数日有馆阁之命不数年遂入翰苑

话腴徽庙一日幸来夫人阁偶洒翰于小白团扇书七言十四字而天思稍倦顾在侧瑯云汝有能吟之客可令续之乃荐乡里太学生既宣入内侍省恭读宸制不知指意乞为取旨或续句呈或就书扇左上曰朝来不喜餐必恶阻也当以此为词以续于扇续



进上大喜会将策士生时未奏名径使造廷赐以第  
焉上御诗曰选饭朝来不喜粲御厨空费八珍盘生  
续曰人间有味都尝遍只许江梅一点酸

贵耳集道君幸李师师家偶周邦彦先在焉知道君  
至遂匿于□下道君自携新枨一颗云江南初进来  
遂与师师谑语邦彦悉闻之櫜括成少年游云并刀  
如水吴盐胜雪纤手破新枨后云严城上已三更马  
滑霜浓不如休去直是少人行李师师因歌此词道  
君问谁作李师师奏云周邦彦词道君大怒坐朝宣  
谕蔡京云开封府有监税周邦彦者闻课额不登如  
何京尹不按发来蔡京罔知所以奏云容臣退朝呼  
京尹叩问续得复奏京尹至蔡以御前圣旨谕之京  
尹云惟周邦彦课额增羨蔡云上意如此只得迁就  
将上得旨周邦彦职事废弛可日下押出国门隔一  
二日道君复幸李师师家不见李师师问其家知送  
周监税道君方以邦彦出国门为喜既至不遇坐久  
至更初李始归愁眉泪睫憔悴可掬道君大怒云尔  
去那里去李奏臣妾万死知周邦彦得罪押出国门  
略致一杯相别不知官家来道君问曾有词否李奏  
云有兰陵王词今柳阴直者是也道君云唱一遍看  
李奏云容臣妾奉一杯歌此词为官家寿曲终道君  
大喜复召为大晟乐正后官至大晟乐乐府待制邦  
彦以词行当时皆称美成词殊不知美成文笔大有  
可观作汴都赋如笺奏杂着皆是杰作可惜以词掩  
其他文也当时李师师家有二邦彦一周美成一李  
士美皆为道君狎客士美因而为宰相吁君臣遇合  
于娼优下贱之家国之安危治乱可想而知矣

挥麈后录苏叔党以党禁屏处颍昌极无僇有泗州  
招信士人李植元秀者乡风慕义岁一过之必迟徊  
以师资焉且致馈餉甚腆叔党怀之宣和末向伯恭  
出为淮漕自京师枉道以访叔党留连请委叔党道  
李之义风而属其左顾之伯恭入境首令访问加礼  
以待未几金虏南寇高宗以元帅在河北伯恭即命  
李金帛往访问行府犒师并上表劝进行数程而

与前驱遇已而飞龙御天补承务郎由是遂被眷知  
后来官职俱至列卿

挥麈余话陈彦育序丹扬士子从后湖苏养直学诗  
造其三昧向伯恭为浙漕访养直于隐居彦育适在  
坐一见喜之邀与之共途益以契合遂以其爱姬寇  
氏嫁之携归逾年伯恭登从班乃启于思陵云寇氏  
莱公之元孙其后独有此一女乞以一官与其夫陈  
序遂诏特补和州文学伯恭为自制簪裳靴笏令人  
黄牒往并授之并以白金为餉彦育方教村童于  
陋巷持书人至彦育疑非其所有至出补牒见其姓  
名始拜命望逾意表不胜惊喜闾巷为之改观其后  
终于删定官明清有其诗一帙至今尚存也

靖康初秦会之自御史丐祠归建康僦舍以居适当  
炎暑上元宰张师言昌访之会之语师言此屋粗可  
居但每为西日所苦奈何得一凉棚备矣翌日未晓  
但闻斤斧之声会之起视之则松棚已就询之匠者  
云县宇中方创一棚昨日闻侍御之言即辍以成此  
会之大喜次年会之入为中司北去又数年还朝已  
而拜相时师言年逾七十会之于是就官簿中减去  
十岁擢知楚州把麾持节者又逾十年然后挂冠老  
于潜近九十而终师言诗文甚佳多传于外

挥麈三录汪明远澈任衢州教授以母忧归从吉后  
造朝从秦会之仍求旧阙词甚恳到秦问何苦欲此  
汪云彼中人情既熟且郡有两台可以求知秦愈疑  
之不与乃以沅州教授处之既不遂意而地偏且远  
汪家素贫称贷赴官极为不满到郡见井邑之荒凉  
游从之寥落尤以郁陶心窃怒秦而不敢言也适万  
俟元忠与秦异议自参政安置秭归后徙沅江汪因  
谒之投分甚欢日夕往还三载之间益以胶固万俟  
还朝继而大拜首加荐引力为之地入朝七年间遂  
登政府事不可料有如此者

贵耳集德寿丁亥降圣遇丙午庆八十寿皇讲行庆  
礼上尊号周益公当国差官撰册文读册书册拟杨  
诚斋尤延之各撰一本预先进呈益公与诚斋乡人

借此欲除诚斋一侍从为润笔册文寿皇披阅至再即宣谕益公杨之文太聩牙在御前读时生受不若用尤之文温润益公又思所以处诚斋奏为读册官寿皇云杨江西人声音不清不若移作奉册寿皇过内奏册宝仪节及行礼官读至杨某德寿作色曰杨某尚在这里如何不去寿皇奏云不晓圣意德寿曰杨某殿册内比朕作晋元帝甚道理杨即日除江东漕诚斋由是薄憾益公

谈薺甄龙友云卿永嘉人滑稽辩捷为近世之冠楼宣献自西掖出守以首春觞客甄预坐席间谓公曰今年春气一何太盛公问其故甄曰以果口甘蔗知之根在公前而末已至此公为罚掌吏众訾其猥率游天竺寺集诗句赞大士大书于壁云巧笑倩兮美目盼兮彼美人兮西方之人兮孝庙临幸一见赏之诏侍臣物色其人或以甄姓名闻曰是温州狂生用之且败风俗上曰惟此一人朕自举之甄时为某邑宰趣召登殿上迎问曰卿何故名龙友甄罔然不知所对既退乃得之曰君为尧舜之君故臣得与夔龙为友由是不称旨犹得添倅后至国子监

辍耕录胡石塘先生尝应聘入京世皇召见于便殿趋进张皇不觉笠子敲侧上问曰秀才何学对曰修身齐家治国平天下之学上笑曰自家一笠尚不端正又能平天下邪然怜其贫特授扬州路教授吁以先王之学行而不见遇于明君是果命矣夫

剪胜野闻太祖尝微行里市间过国子监监生某者入酒坊帝揖而问之曰先生亦过酒家饮乎对曰旅次草草聊寄食尔帝因与之入时坐客满案惟供司土神几尚余空帝携之在地曰神姑让我坐乃与生对席问其乡里曰某四川重庆府人也帝因属词曰千里为重水重山重庆府生应声曰一人成大大邦大国大明君帝又举翼几小木命生赋诗因喻己意其诗曰寸木元从斧削成每于低处立功名他时若得台端用要向人间治不平帝私喜因探钱偿酒家相别而去生不知其为帝也明日忽移名召生入

谒生茫然自失既至帝笑曰秀才忆昨与天子对席乎生惶恐谢罪又曰汝欲登台端乎遂命除为按察使

太祖之封十王也亲草册文适李韩公北征唐之淳在军中曾为草露布帝读其文嘉之问草者为谁韩公以之淳对帝令飞骑召之使者不谕旨械系之淳之淳以父肃得罪悚栗不自保至京师过其姑之门告使者止索其姑出泣曰善为我敛尸姑乃大恸之行次东华门已闭守者曰有旨令以布裹从屋上递入累累传易数递始至便殿膏灯煌耀帝坐阅书之淳俯首庭下帝问曰是汝草露布耶之淳对曰臣昧死草之良久中侍以短几置之淳前列烛帝令膝坐以封王册文一篇授之曰少为私润之之淳叩首曰臣万死不敢当帝曰即不敢姑旁注之之淳如命帝令中侍续续报定毕乃上之遥望烛影下帝微微喜次第下凡十篇悉定之每奏辄嘉悦奏毕时夜未央帝令明日朝谒复如故出至姑家姑尚守门见之淳相庆幸具酒食沐具及旦庭谒帝问曰汝世宦否对曰臣父翰林应奉唐肃即日命嗣父官

备遗录胡公闰字松友江西鄱阳人尝题竹诗于吴芮祠壁间太祖征陈友谅时见之深加叹赏阴记其姓名诗云幽人无俗怀写此苍龙骨九天风雨来飞腾作灵物后以荐至阙上识之曰此题诗鄱阳庙者也授都督府经历

遇合部艺文四

诗

词

拟风北门三章

卫之贤者处乱世事暗君不得其志故因出北门而赋以自比

出自北门忧心殷殷终窶且贫莫知我艰已焉哉天实为之谓之何哉

王事适我政事一埤益我我入自外室人交□□我已焉哉天实为之谓之何哉

王事敦我政事一埤遗我我入自外室人交口摧我已焉哉天实为之谓之何哉

饭牛歌

周口戚

淮南子曰口戚欲乾齐桓公困穷无以自达于是为商旅将任车以商于齐暮宿于郭门外桓公郊迎客夜开门辟任车爝火甚众越饭牛车下击牛角而疾商歌桓公闻之曰异哉非常人也令后车载之因授以政蝟笑外稿云此歌不类春秋时人语盖后世所拟者高诱注吕氏春秋谓戚所歌乃诗硕鼠之辞虽未见所据亦可见南山白石之歌诱初未之见也然其辞亦激烈足以动人

南山斫白石烂生不逢尧与舜禅短布单衣适至骭从口饭牛薄夜半长夜漫漫何时旦

沧浪之水白石粲中有鲤鱼长尺半弊布单衣裁至骭清朝饭牛至夜半黄犊上阪且休息吾将舍汝相齐国

又

刘向别

录所载

出东门兮厉石斑上有松柏青且阑粗布衣兮缁缕时不遇兮尧舜主牛兮努力食细草大臣在尔侧吾当与尔适楚国

龟山操

孔子

琴操曰季桓子受齐女乐孔子欲谏不得退而望鲁龟山作此曲以喻季氏之蔽鲁也

予欲望鲁兮龟山蔽之手无斧柯奈龟山何

息鄆操

同前

孔丛子曰赵子使聘夫子将至焉及河闻鸣犊赵犢之见杀也回輿而旋之卫息鄆为操云云家语曰还息于鄆作盘琴以哀之即此歌也

周道衰微礼乐陵迟文武既坠吾将焉归周游天下靡邦可依凤鸟不识珍宝梟鸱眷然顾之惨然心悲巾车命驾将适唐都黄河洋洋攸攸之鱼临津不济还辕息鄆伤予道穷哀彼无辜翱翔于卫复我旧庐

从吾所好其乐只且

盘操

同前

事与前同又名息鄫操

竭泽而渔蛟龙不游覆巢毁卵凤不翔留惨予心悲  
还辕息鄫

猗兰操

同前

琴操曰孔子历聘诸侯诸侯莫能任自卫反鲁隐  
谷之中见芟兰独茂喟然叹曰兰当为王者香今  
乃与众草为伍止车援琴歌之自伤不逢时托辞  
于兰云

习习谷风以阴以雨之子于归远送于野何彼苍天  
不得其所逍遥九州无所定处时人暗蔽不知贤者  
年纪逝迈一身将老

去鲁歌

同前

史记曰孔子相鲁齐人遗女乐季桓子受之三日  
不听政郊又不致膳俎于大夫孔子遂行宿乎屯  
而师已送曰夫子则非罪孔子曰吾歌可夫歌云  
云桓子闻之曰夫子罪我以群婢故也

彼妇之口可以出走彼妇之谒可以死败优哉游哉  
维以卒岁

临河叹

同前

孔子适晋临河不济叹而作歌

秋水衍兮风扬波舟楫颠倒更相加归来归来胡为  
斯

楚聘歌

同前

孔丛子曰楚王使使奉金币聘夫子宰予冉有曰  
夫子之道至是行矣遂请见问曰太公勤身苦志  
八十而遇文王孰与许由之贤乎曰许由独善其  
身者也太公兼利天下者也然今世无文王虽有  
太公孰能识之乃歌曰

大道隐兮礼为基贤人窜兮将待时天下如一兮欲  
何之

丘陵歌

同前

孔丛子曰哀公使以币如卫迎夫子而不能赏用

也故夫子作丘陵之歌

登彼丘陵崪崪其阪仁道在迩求之若远遂迷不复  
自婴屯蹇喟然回虑题彼泰山郁确其高粱甫回连  
枳棘充路陟之无缘将伐无柯患兹蔓延惟以永叹  
涕霑潺湲

俛诗

荀卿

俛诗者荀卿子之所作也或曰荀卿既为兰陵令  
客有说春申君者曰汤以亳武王以镐皆有天下  
今荀子贤而君借以百里之势臣为君危之春申  
君乃谢荀子荀子去之赵人又说春申君曰昔伊  
尹去夏入殷殷王而夏亡管仲去鲁入齐鲁弱而  
齐强贤者所在其君未尝不尊荣也今荀子天下  
贤士君何为谢之春申君又使人请荀子荀子不  
还而遗之赋即此俛诗也

天下不治请陈俛诗天地易位四时易乡列星陨坠  
旦暮晦盲幽暗登昭日月下藏公正无私反见纵横  
志爱公利重楼疏堂无私罪人愍革二兵道德纯备  
谗口将将仁人绌约敖暴擅强天下幽险恐失世英  
螭龙为蝮蜓鸱枭为凤凰比乾见刳孔子拘匡昭昭  
乎其知之明也郁郁乎其遇时之不祥也拂乎其欲  
礼义之大行也暗乎天下之晦盲也皓天不复忧无  
疆也千秋必反古之常也弟子勉学天不忘也圣人  
共手时几将矣与愚亦疑愿闻反辞其少歌也念彼  
远方何其塞矣仁人绌约暴人衍矣忠臣危殆谗人  
般矣璇玉瑶珠不知佩也杂布与锦不知异也闾媼  
子奢莫之媒也媼母刀父是之喜也以盲为明以聋  
为聪以危为安以吉为凶呜呼上天曷维其同

与春申君书后赋

战国策

载小异

前人

宝珍随珠不知俾兮袷衣与丝不知异兮闾媼子奢  
莫知媒兮媼母求之又甚喜兮以瞽为明以聋为聪  
以是为非以吉为凶呜呼上天曷谓其同

琴思楚歌

汉王逸

盛阴修夜何难晓思念纠戾肠摧绕时节晚莫年齿  
老冬夏更运去若颓寒来暑往难逐追形容减少颜  
色亏时忽暗暗若骛驰意中私喜施用为内无所恃  
失本义志愿不得心肝沸忧怀感结重叹噫岁月已  
尽去奄忽亡官失禄去家室思想君命幸复位久处  
无成卒放弃

见志诗二首

郗炎

大道夷且长窘路狭且促修翼无卑栖远趾不步局  
舒吾凌霄羽奋此千里足超迈绝尘驱倏忽谁能逐  
贤愚岂常类禀性在清浊富贵有人藉贫贱无天禄  
通塞苟由己志士不相卜陈平敖里社韩信钓河曲  
终居天下宰食此万钟禄德音流千载功名重山岳  
灵芝生河洲动摇因洪波兰荣一何晚严霜瘁其柯  
哀哉二芳草不植泰山阿文质道所贵遭时用有嘉  
绛灌临衡宰谓谊崇浮华贤才抑不用远投荆南沙  
抱玉乘龙骥不逢乐与和安得孔仲尼为世陈四科

豫章行

魏曹植

穷达难豫图祸福信亦然虞舜不逢尧耕耘处中田  
太公未遭文渔钓终渭川不见鲁孔丘穷困陈蔡间  
周公下白屋天下称其贤

琴歌

阮瑀

魏书曰太祖雅闻瑀名辟之不应乃逃入山中太  
祖使人焚山得瑀太祖时征长安大延宾客怒瑀  
不与语使就技人列瑀善解音能鼓琴抚弦而歌  
为曲既捷音声殊妙太祖大悦

奕奕天门开大魏应期运青盖巡九州在东西人怨  
士为知己死女为悦者玩恩义苟潜畅他人焉能乱

赠毋丘俭

杜挚

文章叙录曰挚与毋丘俭乡里相亲故为诗与俭  
求仙人药一丸欲以相感切俭求助也俭答以诗  
然挚竟不得迁卒于秘书

骐骥马不试婆娑槽枥间壮士志未伸坎轲多辛酸  
伊挚为媵臣吕望身操竿夷吾困商贩宁戚对牛叹



食其处监门淮阴饥不餐买臣老负薪妻叛呼不还  
释之宦十年位不增故官才非八子伦而与齐其患  
无知不在此袁盎未有言被此万病久荣卫动不安  
闻有韩众药信来给一丸

赠毋丘荆州

前人

鹄飞举万里一飞翮昊苍翔高志难得离鸿失所望

答杜挚

毋丘俭

凤鸟翔京邑哀鸣有所思才为圣世出德音何不怡  
八子未际遇今者遭明时胡康出陇亩杨伟无根基  
飞腾冲云天奋迅协光熙骏骥骨法异伯乐观知之  
但当养羽翮鸿举必有期体无纤微疾安用问良医  
联翩轻栖集还为燕雀嗤韩众药虽良恐便不能治  
悠悠千里情薄言答嘉诗信心感诸中中赏不在辞

赠山涛

晋司马彪

茗苕倚桐树寄生于南岳上凌青云霓下临千仞谷  
处身孤且危于何托余足昔也植朝阳倾枝俟鸾鷲  
今世绝世用倥口见迫束班匠不我顾牙旷不我录  
焉得成琴瑟何由扬妙曲冉冉三光驰逝者一何速  
中夜不能寐抚剑起踟躅感彼孔圣叹哀此年命促  
卞和潜幽冥谁能证奇璞冀愿神龙来扬光以见烛

鞠歌行

有  
序

陆机

序曰按汉宫阁有含章鞠室灵芝鞠室后汉马防  
第宅卜临道连阁通池鞠城弥于街路鞠歌将谓  
此也又东阿王诗连骑击壤或谓蹙鞠乎三言七  
言虽奇宝名器不遇知己终不见重愿逢知己以  
托意焉

朝云升应龙攀乘风远游腾云端鼓钟歇岂自欢急  
弦高张思和弹时希值年夙愆循己虽易人知难王  
阳登贡公欢罕生既没国子叹嗟千载岂虚言邈矣  
远念情恹然

咏史诗二首

左思

- 73 -

主父宦不达恩肉还相薄买臣困樵采伉俪不安宅  
陈平无产业归来翳负郭长卿还成都壁立何寥廓  
四贤岂不伟遗烈光篇籍当其未遇时忧在填沟壑  
英雄有迹遭由来自古昔何世无奇才遗之在草泽

又

习习笼中鸟举翮触四隅落落穷巷士抱影守空庐  
出门无道路枳棘塞中涂计策弃不收块若枯池鱼  
外望无寸禄内顾无斗储亲戚还相蔑朋友日夜疏  
苏秦北游说李斯西上书俯仰生荣华咄嗟复雕枯  
饮河期满腹贵足不愿余巢林栖一枝可为达士模

杂诗

张协

昔我资章甫聊以适诸越行行入幽荒欧骆从祝发  
穷年非所用此货将安设瓿甌夸珣璠鱼目笑明月  
不见郢中歌能否居然别阳春无和者巴人皆下节  
流俗多昏迷此理谁能察

拟古二首

宋鲍照

鲁客事楚王怀金袭丹素既荷主人恩又蒙令尹顾  
日宴罢朝归舆马塞衢路宗党生兆辉宾仆远倾慕  
富贵人所欲道得亦何惧南国有诸生迷方独沦误  
伐木清江湄设置守麋兔

又

十五讽诗书篇翰靡不通弱冠参多士飞步游秦宫  
侧睹君子论预见古人风两说穷舌端五车摧笔锋  
羞当白璧贖耻受聊城功晚节从世务乘障远和戎  
解佩袭犀渠卷口奉卢弓始愿力不及安知今所终

种兰

袁淑

袁淑从母兄刘湛欲淑附己而淑不为改意由是  
大相乖失淑乃赋诗寻以病免

种兰忌当门怀璧莫向楚楚少别玉人门非植兰所

拟左记室思咏史

梁江淹

韩公沦卖药梅生隐市门百年信荏苒何用苦心魂  
当学卫霍将建功在河源珪组贤君眄青紫明主恩  
终军才始达贾谊位方尊金张服貂冕许史乘华轩  
王侯贵片议公卿重一言太平多欢娱飞盖东都门

顾念张仲蔚蓬蒿满中园

初至寿春作

吴均

桓谭不卖交冯子任紆直浮溺逐波影飘扬恣风力  
北州少知旧南阳寡相识申驾每倾轮当蹇复摧翼  
望美无津梁私自怜何极

示程伯达

北魏胡叟

叟安定临泾人以姚氏将衰入长安沮渠牧犍遇  
之不重乃为诗示所知广平程伯达归魏赐爵复  
始男

群犬吠新客佞暗排疏宾直途既已塞曲路非所遵  
望卫惋祝鮀盼楚悼灵均何用宣忧怀托翰寄辅仁

墙上难为趋

北周王褒

昔称梁孟子兼闻鲁孔丘访政聊为述问陈岂相酬  
末代多侥幸卿相尽经由台郎百金价台司千万求  
当朝少直笔趋代多曲钩廷尉十年不得调将军百  
战未封侯夜伏拥门作常伯自有葡萄得凉州白璧  
求善价明珠难暗投高墙不可践井水自难浮风胡  
有年岁铍利比吴钩

东征歌

隋王通

文中子世家曰隋仁寿三年文中子西游长安见  
文帝奏太平十有二策帝下其议于公卿公卿不  
悦文中子知谋之不用赋东征之歌而归帝闻而  
再征之不赴

我思国家兮远游京畿忽逢帝王兮降礼布衣遂怀  
古人之心兮将兴太平之基时异事变兮志乖愿违  
吁嗟道之不行兮垂翅东归皇之不断兮劳身西飞

重酬范郎中

并  
序

唐王维

顷辄奉赠忽枉见酬叙末云且久不还因而嘲及  
诗落句云应同罗汉无名欲故作冯唐老岁年亦  
解嘲之类也

何幸含香奉至尊多口未报主人恩草木尽能酬雨

露荣枯安敢问乾坤仙郎有意怜同舍丞相无私断  
扫门扬子解嘲徒自遣冯唐已老复何论

寄荆州张丞相

前人

所思竟何在怅望深荆门举世无相识终身思旧恩  
方将与农圃艺植老丘园目尽南飞雁何由寄一言  
书情献相公

一本献

下有刘字

严维

年来白发欲星星误却生涯是一经魏阙望中何日  
见商歌奏罢复谁听孤根独弃□山木弱质无成状  
水萍今日更须询哲匠不应休去老岩扃

放歌行

王昌龄

南渡洛阳津西望十二楼明堂坐天子月朔朝诸侯  
清乐动千门皇风被九州庆云从东来泱泱抱日流  
升平贵论道文墨将何求有诏征草泽微诚将献谋  
冠冕如星罗拜揖曹与周望尘非吾事入赋且迟留  
幸蒙国士识因脱负薪裘今者放歌行以慰梁甫愁  
但营数斗禄奉养每丰羞若得金膏遂飞云亦可俦

岁暮归南山

孟浩然

按本传王维私邀浩然入内署俄而元宗至浩然  
匿□下维取实对帝喜曰朕闻其人而不见也诏  
使出帝问其诗浩然再拜自诵此诗至不才明主  
弃之句帝曰卿不求仕而朕未尝弃卿奈何诬我  
因放还

北阙休上书南山归敝庐不才明主弃多病故人疏  
白发催年老青阳逼岁除永怀愁不寐松月夜虚

古风四首

李白

抱玉入楚国见疑古所闻良宝终见弃徒劳三献君  
直木忌先伐芳兰哀自焚盈满天所损沉冥道为群  
东海泛碧水西关乘紫云鲁连及柱史可以蹶清芬

又

燕昭延郭隗遂筑黄金台剧辛方赵至邹衍复齐来  
奈何青云士弃我如尘埃珠玉买歌笑糟糠养贤才

方知黄鹤举千里独徘徊

又

宝□双蛟龙雪花照芙蓉精光射天地雷腾不可冲  
一去别金匣飞沈失相从风胡灭已久所以潜其锋  
吴水深万丈楚山邈千重雌雄终不隔神物会当逢

又

郢客吟白雪遗响飞青天徒劳歌此曲举世谁为传  
试为巴人唱和者乃数千吞声何足道叹息空凄然

赠范金卿

前人

君子枉青盼不知东走迷离家未几月络纬鸣中闺  
桃李君不言攀花愿成蹊那能吐芳信惠好相招携  
我有结缘珍久藏浊水泥时人弃此物乃与燕石齐  
擦拭欲赠之申肩路无梯辽东□白豕楚客羞山鸡  
徒有献芹心终流泣玉啼祇应自索漠留舌示山妻

奉赠韦丈左丞二十二韵

杜甫

纨□不饿死儒冠多误身丈人试静听贱子请具陈  
甫昔少年日早充观国宾读书破万卷下笔如有神  
赋料扬雄敌诗看子建亲李邕求识面王翰愿卜邻  
自谓颇挺出立登要路津致君尧舜上再使风俗淳  
此意竟萧条行歌非隐沦骑驴三十载旅食京华春  
朝扣富儿门暮随肥马尘残杯与冷炙到处潜悲辛  
主上顷见征□然欲求伸青冥却垂翅蹭蹬无纵鳞  
甚愧丈人厚甚知丈人真每于百寮上猥诵佳句新  
窃效贡公喜难甘原宪贫焉能心怏怏祇是走踈踈  
今欲东入海即将西去秦尚怜终南山回首清渭滨  
常拟报一饭况怀辞大臣白鸥没浩荡万里谁能驯

遣兴

前人

丰年孰云迟甘泽不在早耕田秋雨足禾黍已映道  
春苗九月交颜色同日老劝汝衡门士勿悲尚枯□  
时来展才力先后无丑好但讶鹿皮翁忘机对芳草

述古

前人

赤骥顿长缨非无万里姿悲鸣泪至地为问驭者谁  
凤凰从天来何意复高飞竹花不结实念子忍朝饥  
古时君臣合可以物理推贤人识定分进退固其宜

短歌行赠王郎司直

前人

王郎酒酣拔剑斫地歌莫哀我能拔尔抑塞磊落之  
奇才豫章翻风白日动鲸鱼跋浪沧溟开且脱佩剑  
休徘徊西得诸侯棹锦水欲向何门趺珠履仲宣楼  
头春色深青眼高歌望吾子眼中之人吾老矣

寄狄明府

前人

梁公曾孙我姨弟不见十年官济济大贤之后竟陵  
迟浩荡古今同一体比者伯叔四十人有才无命百  
寮底今者弟兄一百人几人卓绝秉周礼在汝更用  
文章为长兄白眉复天启汝门请从曾公说太后当  
朝多巧计狄公执政在末年浊河中不污清济国嗣  
初将付诸武公独廷诤守丹陛禁中册决诏房陵前  
朝长老皆流涕太宗社稷一朝正汉官威仪重昭洗  
时危始识不世才谁谓荼苦甘如荠汝曹又宜裂土  
食身使门户多旌棨胡为飘泊岷汉间乾谒王侯颇  
历诋况乃山高水有波秋风萧萧露泥泥虎之饥下  
巉岩蛟之横出清泚早归来黄污人衣眼易眯

君不见简苏溪

前人

君不见道边废弃池君不见前者摧折桐百年死树  
中琴瑟一斛旧水藏蛟龙丈夫盖棺事始定君今幸  
未成老翁何恨憔悴在山中深山穷谷不可处霹雳  
魑魅兼狂风

投简成华两县诸子

前人

赤县官曹拥材杰软裘快马当冰雪长安苦寒谁独  
悲杜陵野老骨欲折南山豆苗早荒秽青门瓜地新  
冻裂乡里儿童项领成朝廷故旧礼数绝自然弃掷  
与时异况乃疏顽临事拙饥卧动即向一旬弊裘何  
止联百结君不见空墙日色晚此老无声泪垂血

可叹

前人

天上浮云如白衣斯须改变如苍狗古往今来共一  
时人生万事无不有近者抉眼去其夫河东女儿身  
姓柳丈夫正色动引经酆城客子王季友群书万卷  
常暗诵孝经一通看在手贫穷老瘦家卖屐好事就  
之为携酒豫章太守高帝孙引为宾客敬颇久问道

三年未曾语小心恐惧闭其口太守得之更不疑人生反复看亦丑明月无瑕岂容易紫气郁郁犹冲斗时危可仗真豪俊二人得置君侧否太守顷者领山南邦人思之比父母王生早曾拜颜色高山之外皆培塿用为羲和天为成用平水土地为厚王也论道阻江湖李也疑丞旷前后死为星辰终不灭致君尧舜焉肯朽吾辈碌碌饱饭行风后力牧长回首

缓歌行

李颀

少年托身攀贵游倾财破产无所忧莫拟经过石渠暑朝将出入铜龙楼结交杜陵轻薄子谓言可生复可死一沉一浮会有时弃我翻然如脱屣男儿立身须自强十年闭户颍水阳业就功成见明主击钟鼎食坐华堂二八蛾眉梳堕马美酒清歌曲房下文昌宫中赐锦衣长安陌上退朝归五陵宾从莫敢视三省官僚揖者稀早知今日读书是悔作从来任侠非

怀哉行

薛据

明时无废人广厦无弃材良工不我顾有用宁自媒怀策望君门岁晏空迟回秦城多车马日夕飞尘埃伐鼓千门启鸣珂双阙来我闻雷雨施天泽罔不该何意斯人徒弃之如死灰主好臣必口时禁权不开俗流实骄矜得志轻草莱文王赖多士汉帝资群才一言并拜将片善咸居台夫君何不遇为泣黄金台

古兴

前人

投珠恐见疑抱玉但垂泣道在君不举功成叹何及

送綦毋潜

卢象

夫君不得意本自沧海来高足未云骋虚舟空复回淮南枫叶落灞岸桃花开出处暂为间浮沉安在哉如何天覆初还遣世遗才欲识秦将汉尝闻王与裴离筵对寒食别雨乘春雷会有辟书至荷衣莫漫裁

辞房相公

张偁

秋风飒飒雨霏霏愁杀栖遑一布衣辞君且作随阳雁海内无家何处归

杂体

韦应物

同声自相应体质不必齐谁知贾人铎能使大乐谐

铿锵发宫征和乐变其哀人神既昭享凤鸟亦下来  
岂非至贱物一奏升天阶物情苟有合莫问玉与泥

赠康洽

李端

黄须康兄酒泉客平生出入王侯宅今朝醉卧有明朝  
忽忆故乡头已白流年恍惚瞻西日陈事苍茫指南陌  
声名恒压鲍参军班位不过扬执迹来七十  
遂无机空是咸阳一布衣后辈轻肥贱衰朽五侯门  
馆许因依自言万物有移改始信桑田变成海同时  
献赋人皆尽共壁题诗君独在步出东城风景和青山  
满眼少年多汉家尚壮今则老发短心长知奈何  
华堂举杯白日晚龙钟相见谁能免君今已返我正来  
朱颜空笑几能回借问朦胧花树下谁家畚鍤筑高台

失意归吴因寄东台刘侍郎

孟郊

自念西上身忽随东归风长安日下影又落江湖中  
离娄岂不明子野岂不聪至宝非眼别至音非耳通  
因緘俗外调仰寄高飞鸿

致酒行

李贺

零落栖迟一杯酒主人奉觞客长寿主父西游困不  
归家人折断门前柳吾闻马周昔作新丰客天荒地  
老无人识空将笺上两行书直犯龙颜请恩泽我有  
迷魂招不得雄鸡一声天下白少年心事当拿云谁  
念幽寒坐呜呃

将归故山留别杜侍郎

王建

有川不得涉有路不得行沉沉百忧中一日如一生  
错来乾诸侯石田废春耕虎卫重门何因达中诚  
日月俱照耀山川异阴晴如何百里间开目不见明  
我今归故山誓与草木并愿君去丘□长使道路平

感兴

明高岱

天员不中规地方不中矩人生天地间安得无齟齬  
仲尼屡放逐颜回苦贫窶贤哲不偶时古今那可数  
达士贵乐天仁人亦安土勉哉宣令德庶以表千古

送王明善

有



序

俞允文

王明善屡试不合尝郁郁不乐遂以乙卯六月北  
辕朔都以展所蓄积且将复观塞垣求古兴废之  
所由余谓以彼其才而偃蹇若此则虽君山放逐  
亭伯流离殊未足增其愤懑也因寓于词以述乖  
离之思云尔

威风集珍条积风限高翔巨鯤志江海尺泽焉足量  
懿兹中林士敷文聊颀顽块然寡徒偶举足蹈峻防  
伸眉竟何阶念之郁中肠抑我同心欢乖离越他乡  
他乡三千里道狭草木长白露浩已盈但恐沾衣裳

沁园春

梦方

孚若

明刘潜夫

何处相逢登宝钗楼访铜雀台唤厨人斫就东溟鲸  
鲈圉人呈罢西极龙媒天下英雄使君与操余子何  
堪共酒杯车千两载燕南代北剑客奇材 饮酣鼻  
息如雷谁信被晨鸡轻唤回叹年光过尽功名未立  
书生老去机会方来使李将军遇高皇帝万户侯何  
足道哉披衣起但凄凉感旧慷慨生哀